

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
KANTONALNA UPRAVA CIVILNE ZAŠTITE

Broj:18/1-44-007153/16
Tuzla: 14.03.2016.godine

IZVJEŠTAJ O RADU
Kantonalne uprave civilne zaštite u 2015. godini

I Uvodni dio

Kantonalna uprava civilne zaštite (KUCZ) obavljala je, u toku 2015. godine, zadatke iz svoje nadležnosti, u skladu sa odredbama: Zakona o zaštiti i spašavanju ljudi i materijalnih dobara od prirodnih i drugih nesreća, („Službene novine Federacije BiH“, broj 39/03, 22/06 i 43/10), (u daljem tekstu: Zakon o zaštiti i spašavanju), Zakona o zaštiti i spašavanju ljudi i materijalnih dobara od prirodnih i drugih nesreća u Tuzlanskom kantonu („Službene novine TK“, broj 10/08 i 8/15) (u daljem tekstu: Zakon o zaštiti i spašavanju u TK), Zakona o zaštiti od požara i vatrogastvu („Službene novine Federacije BiH“, broj 64/09), (u daljem tekstu: Zakon o zaštiti od požara), Zakona o zaštiti od požara i vatrogastvu na području Tuzlanskog kantona („Službene novine TK“, broj 1/12), Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05), Zakona o ministarstvima i drugim organima uprave Tuzlanskog kantona („Službene novine TK“, broj 17/00, 3/01, 12/03, 10/05, 3/08, 8/11, 15/13), (u daljem tekstu: Zakon o ministarstvima), Pravilnikom o unutrašnjoj organizaciji KUCZ, (u daljem tekstu: Pravilnik), podzakonskim aktima donijetim na osnovu navedenih zakona i pravilnicima donijetim u KUCZ, te u skladu sa Programom rada KUCZ za 2015. godinu.

Programom rada KUCZ za 2015. godinu postavljena je vizija djelovanja - Izgradnja sistema zaštite i spašavanja na području Tuzlanskog kantona (TK), projektiranog Zakonom o zaštiti i spašavanju i Zakonom o zaštiti od požara, koji će biti u stanju osigurati zaštitu i spašavanje ljudi i materijalnih dobara u odgovoru na opasnosti, prirodne i druge nesreće koje se mogu dogoditi na području TK.

Također je utvrđena i misija u skladu sa nadležnostima KUCZ utvrđenim Zakonom o zaštiti i spašavanju i Zakonom o zaštiti od požara: „Obavljati poslove na razini Tuzlanskog kantona i koordinaciju poslova zaštite i spašavanja na općinskoj razini.“

Programom rada planirano je da se vizija i misija u 2015. godini ostvare kroz utvrđene strateške ciljeve, programe i aktivnosti u toku godine.

II Programski dio

Programski dio planiran je kroz realizaciju 3 strateška cilja i programa koji su planirani u okviru njih. Planirani strateški ciljevi su najvećim dijelom u potpunosti izvršeni.

Strateški cilj 1 - Ostvarivanje osnovne funkcije i unapređenje rada KUCZ

Planirano je da ovaj cilj bude realiziran kroz izradu:

1) Izveštaja o radu Kantonalne uprave civilne zaštite i pregleda aktivnosti u oblasti zaštite i spašavanja, na području TK u 2015. godini,

2) Mjesečnih izvještaja o radu KUCZ sa pregledom aktivnosti u oblasti zaštite i spašavanja na području TK u 2015. godini i mjesečnih izvještaja inspeksijskog nadzora u oblasti zaštite i spašavanja,

- 3) Mjesečnih planova rada KUCZ i inspeksijskog nadzora u oblasti zaštite i spašavanja,
- 4) Programa rada KUCZ za 2015. godinu,
- 5) Programa inspeksijskog nadzora u oblasti zaštite i spašavanja za 2015. godinu,
- 6) Plana potrebnih budžetskih sredstava za finansiranje rada KUCZ u 2015. godini,
- 7) Izvještaja o prikupljanju, raspodjeli i korištenju sredstava posebne naknade za zaštitu od prirodnih i drugih nesreća u 2014. godini,
- 8) Plana o korištenju sredstava posebne naknade za zaštitu od prirodnih i drugih nesreća u 2015. godini,
- 9) Plana korištenja sredstava naknade za zaštitu od požara i vatrogastvo u 2015. godini,
- 10) Izradu raznih informacija i izvještaja u oblasti zaštite i spašavanja za Vladu i Skupštinu TK,
- 11) Izradu odgovora na poslanička pitanja,
- 12) Organiziranje konferencija za medije i drugih oblika suradnje sa medijima.

Strateški cilj 1 je u potpunosti realiziran.

Strateški cilj 2 - Koordinacija poslova deminiranja i umanjenje opasnosti od mina i neeksplozivnih ubojitih sredstava na području Tuzlanskog kantona

Planirano je da ovaj cilj bude realiziran kroz:

- 1) Informaciju o ostvarenim rezultatima deminiranja i uništavanja neeksplozivnih ubojitih sredstava na području TK u 2014. godini,
- 2) Listu prioriteta deminiranja na području Tuzlanskog kantona za 2015. godinu,
- 3) Koordinaciju Kantonalnog tima za deminiranje i uništavanje neeksplozivnih ubojitih sredstava na području TK i
- 4) Koordinacija poslova deminiranja na području TK u 2015. godini.

Strateški cilj 2 je u potpunosti realiziran.

Strateški cilj 3 - Stvaranje povoljnijeg ambijenta za daljni razvoj sistema zaštite i spašavanja.

Planirano je da ovaj cilj bude realiziran kroz:

- 1) Inoviranje Pravilnika o unutrašnjoj organizaciji KUCZ,
- 2) Primjenu Uredbe o organiziranju službi zaštite i spašavanja na području TK, odnosno potpisivanje ugovora i stavljanje u funkciju navedenih službi,
- 3) Obuku Kantonalnog štaba civilne zaštite (KŠCZ),
- 4) Rad Komisije za polaganje ispita za vatrogasca u skladu sa Uredbom o sadržaju, načinu i programu polaganja ispita u oblasti vatrogastva („Službene novine Federacije BiH“, broj 93/12) i Komisije za polaganje ispita za protupožarnu zaštitu u skladu sa Programom polaganja ispita za protivpožarnu zaštitu („Službene novine Federacije BiH“, broj 67/13),
- 5) Prijedlog Zakona o izmjenama i dopunama Zakona o zaštiti i spašavanju ljudi i materijalnih dobara od prirodnih i drugih nesreća u TK,
- 6) Prijedlog Zakona o izmjenama i dopunama Zakona o zaštiti od požara i vatrogastvu na području TK,
- 7) Izvještaj o obavljenom inspeksijskom nadzoru u oblasti zaštite i spašavanja KUCZ za 2014. godinu i
- 8) Program inspeksijskog nadzora u oblasti zaštite i spašavanja KUCZ za 2015. godinu.

Strateški cilj 3 nije u potpunosti realiziran, jer nisu realizirane tačke 1) i 6).

Navedene tačke nisu realizirane zbog dogovora da se inoviranje pravilnika o unutrašnjoj organizaciji odloži i uradi u okviru zajedničkih promjena u kantonalnim organima uprave, dok je Zakon o izmjenama i dopunama Zakona o zaštiti od požara i vatrogastvu na području TK, usvojen na Skupštini TK u formi nacрта i upućen u javnu raspravu za izradu prijedloga o kojem će se odlučivati početkom 2016. godine.

U realizaciji navedenih ciljeva je ostvarena potpuna suradnja sa kantonalnim organima uprave i institucijama, pravnim licima i drugim subjektima u skladu sa navedenim propisima na izgradnji i unapređenju sistema zaštite i spašavanja, prevenciji, unapređenju organizacije rada i korištenja snaga i sredstava civilne zaštite, izradi planskih i izvještajnih dokumenata i provođenju mjera zaštite i spašavanja ljudi i materijalnih dobara od prirodnih i drugih nesreća.

III Normativni dio

Prema programu rada KUCZ za 2015. godinu planirana je izrada:

- 1) Prijedloga Zakona o izmjenama i dopunama Zakona o zaštiti i spašavanju ljudi i materijalnih dobara od prirodnih i drugih nesreća u TK,
- 2) Prijedlog Zakona o izmjenama i dopunama Zakona o zaštiti od požara i vatrogastvu na području TK

Normativni dio Programa rada nije u potpunosti realiziran.

Skupština TK je na svojoj 10. redovnoj sjednici održanoj 30.06.2015. godine razmatrala i usvojila Zakon o izmjenama i dopunama Zakona o zaštiti i spašavanju ljudi i materijalnih dobara od prirodnih i drugih nesreća u TK i isti je objavljen u Službenim novinama TK, broj 8/15.

KUCZ je sačinila Prijedlog Zakona o izmjenama i dopunama Zakona o zaštiti od požara i vatrogastvu na području TK i uputila ga Vladi TK, koja je na 17. redovnoj sjednici održanoj 23.11.2015. godine navedeni prijedlog usvojila u formi Nacrta.

Skupština TK je na svojoj 17. redovnoj sjednici održanoj 10.12.2015. godine usvojila Nacrt Zakona i uputila u dalju proceduru donošenja.

IV Tematski dio

1. Izvještaj o radu Kantonalne uprave civilne zaštite i pregled aktivnosti u oblasti zaštite i spašavanja, na području Tuzlanskog kantona u 2014. godini,

Izvještaj prihvaćen Zaključkom Vlade Tuzlanskog kantona od 24.03.2015. godine i od strane Komisije za poljoprivredu, vodoprivredu, šumarstvo i zaštitu okoliša TK i Komisije za privredu, ekonomsku i finansijsku politiku Skupštine TK na sjednicama održanim 02.04.2015.godine. Izvještaj nije usvojen od strane Skupštine Tuzlanskog kantona.

2. Izvještaj o obavljenom inspekcijskom nadzoru u oblasti zaštite i spašavanja KUCZ za 2014. godinu.

Izvještaj je razmatran od strane stručnog kolegija KUCZ i usvojen od direktora Uprave, broj: 18/1-44-005495/15 od 19.02.2015. godine. / U roku

3. Program rada Kantonalne uprave civilne zaštite za 2015. godinu,

Program rada KUCZ je usvojen na Stručnom kolegiju Kantonalne uprave civilne zaštite i dostavljen u formi izvoda dopisom broj: 18/1-44-029505-2/14 od 15.12.2014. godine Uredu Vlade TK. Ugrađen je u Program rada Vlade Tuzlanskog kantona za 2015. godinu. / U roku

4. Program inspekcijskog nadzora u oblasti zaštite i spašavanja KUCZ za 2015. godinu,

Program je razmatran od strane stručnog kolegija KUCZ i usvojen od direktora Uprave, broj: 18/1-44-005498/15 od 19.02.2015. godine. / U roku.

5. Lista prioriteta deminiranja na području Tuzlanskog kantona u 2015. godini,

Lista prioriteta je prihvaćena Zaključkom Vlade Tuzlanskog kantona broj 02/1-44-3365-2/15 od 10.02.2015. godine. / U roku

6. Informacija o rezultatima deminiranja na području Tuzlanskog kantona u 2015. godini,

Informacija je prihvaćena Zaključkom Vlade Tuzlanskog kantona broj 02/1-44-3365/15 od 10.02.2015. od 10.02.2015. godine. / U roku

7. Izvještaj o prikupljanju, raspodjeli i korištenju sredstava posebne naknade za zaštitu od prirodnih i drugih nesreća u 2014. godini,

Izvještaj broj: 18/1-14-005675/15 od 20.02.2015. godine razmatrao KŠCZ, Vlada TK usvojila Zaključkom broj: 02/1-14-005675-1/15 od 24.03.2015. godine. / U roku

8. Plan korištenja sredstava posebne naknade za zaštitu od prirodnih i drugih nesreća u 2015. godini,

Plan usvojen od strane KŠCZ Zaključkom broj: 02/24-14-11099-1M/15 od 03.06.2015. godine. Vlada TK donijela Odluku o davanju saglasnost na broj: 02/1-44-018051-2/15 od 04.06.2015. godine. / U roku

9. Plan korištenja finansijskih sredstava za zaštitu od požara i vatrogastvo u 2015. godini,

Plan usvojen od strane Vlade TK Odlukom o davanju saglasnosti broj: 02/1-44-018051-1/15 od 04.06.2015. godine. / U roku

10) Pravilnik o unutrašnjoj organizaciji Kantonalne uprave civilne zaštite, nije urađen.

11) Informacija o pripremljenosti za zimsko održavanje putova, na području TK, u sezoni 2015/2016. godine,

Informacija usvojena od strane Vlade TK Zaključkom broj: 02/1-44-23583-3/15 od 29.12.2015. godine. / U roku

12) Informacije iz oblasti zaštite i spašavanja

- Informacija o prirodnim nepogodama koje su pogodile TK u periodu maj - august 2014. godine: 18/1-44-004454/15 od 09.02.2015. godine. / U roku
- Preduzete preventivne mjere zaštite od požara u požarnoj sezoni 2015. godine, broj: 18/1-44-018888/15 od 19.08.2015. godine. / U roku

13) Odgovori na poslanička pitanja iz oblasti zaštite i spašavanja

- Odgovor broj: 18/1-44-005168-1/15 od 18.02.2015. godine na inicijativu poslanika Skupštine TK Asmira Hasića, u vezi raspodjele pomoći građanima koji su imali štetu uslijed poplava i klizišta,
- Odgovor broj: 18/1-44-016799/15 od 07.07.2015. godine na pitanje poslanika Skupštine TK Nedžada Hamzića, koje se odnosi na iznos sredstava koja je KUCZ dodjelila i uputila kao pomoć Gradu Tuzli, na ime saniranja posljedica prirodnih nesreća u 2014. godini,
- Odgovor broj: 18/1-44-016798/15 od 14.07.2015. godine na pitanje Gradskog vijeća Tuzla: Informacija o kriterijima i raspodjeli sredstava pomoći za otklanjanje posljedica prirodnih nesreća u 2014. godini i
- Odgovor broj: 18/1-44-018697/15 od 17.08.2015. godine, na pitanje poslanika Skupštine TK Sabida Zekana, koje se odnosi na to kako i koliko je KUCZ bila uključena u postupak spašavanja dvije osobe na području Majevice u julu 2015. godine.

V Finansijski dio

U Budžetu Tuzlanskog kantona za period 01.01.-31.12.2015. godine prikupljeno je prihoda i primitaka na budžetskoj organizaciji 26010001 (Kantonalna uprava civilne zaštite) koji su po strukturi iskazani u sljedećem pregledu:

Redni broj	Grupa prihoda	Godina 2015.
1.	722500-Posebne naknade	2.679.645,00
2.	722600-Prihodi od pružanja usluga	3.600,00
3.	733100-Donacije	318.882,15
	UKUPNO:	3.002.127,10

Tabela 1 - Pregled prihoda Budžeta TK za period 01.01.-31.12.2015.godine na budžetskoj organizaciji 26010001 i 26010002

U Budžetu Tuzlanskog kantona za budžetsku organizaciju Kantonalna uprava civilne zaštite (26010001) u 2015. godini planirani su rashodi u ukupnom iznosu od 3.438.759,00 KM. Navedeni plan se sastoji od:

- rashoda planiranih na poziciji 26010001 - redovnih budžetskih sredstava za funkcionisanje budžetske organizacije u iznosu od 548.759,00 KM i sredstava od Naknade za zaštitu od požara i vatrogastvo prikupljenih po osnovu člana 137. Zakona o zaštiti od požara i vatrogastvu Federacije BiH u iznosu od 110.000,00 KM, kao i sredstava planiranih od prihoda dobrovoljno uplaćenih namjenskih donacija, za sufinansiranje otklanjanja posljedica prirodne nesreće i obnovu područja zahvaćenih prirodnom nesrećom u iznosu od 280.000,00 KM i

- rashoda planiranih na poziciji 26010002 - Posebne naknade za zaštitu od prirodnih i drugih nesreća, prikupljenih po osnovu člana 180. Zakona o zaštiti i spašavanju u Federaciji BiH u iznosu od 2.500.000,00 KM.

Nakon urađenih Izmjena i dopuna budžeta Tuzlanskog kantona dijelom zbog potrebnih ušteta, te unutarne preraspodjele ranije planiranih rashoda u dijelu pozicije 26010001, za 2015. godinu planirani su rashodi u ukupnom iznosu od 3.431.959,00 KM, navedeni Plan rashoda nakon svih izmjena i dopuna Budžeta Tuzlanskog kantona sastoji se od:

- rashoda planiranih na poziciji 26010001 - redovnih budžetskih sredstava za funkcionisanje budžetske organizacije i sredstava od Naknade za zaštitu od požara i vatrogastvo prikupljenih po osnovu člana 137. Zakona o zaštiti od požara i vatrogastvu Federacije BiH i sredstava dobrovoljno uplaćenih namjenskih donacija, za sufinansiranje otklanjanja posljedica prirodne nesreće i obnovu područja zahvaćenih prirodnom nesrećom u ukupnom iznosu od 931.959,00 KM, i

- rashoda planiranih na poziciji 26010002 - Posebne naknade za zaštitu od prirodnih i drugih nesreća, prikupljenih po osnovu člana 180. Zakona o zaštiti i spašavanju u Federaciji BiH u iznosu od 2.500.000,00 KM.

U Tabeli 2 iskazan je plan rashoda budžetskih pozicija u okviru Kantonalne uprave civilne zaštite po glavnim grupama konta kao i iznosi realizacije odnosno izvršenja planiranih rashoda u 2015.godini i iznosi izvršenja u 2014.godini u tabeli su također iskazani indexi odnosa plana i izvršenja 2015.godine, kao i indexi odnosa izvršenja 2015/2014.godini.

U Planiranom iznosu sredstava budžetske organizacije, iskazane u Tabeli 2., ugrađene su izmjene i dopune plana budžeta koje su vršene u 2015. godini.

U Planiranom iznosu sredstava budžetske organizacije uvrštena su i sredstva Naknade za zaštitu i spašavanje od požara i vatrogastvo prikupljena po osnovu Člana 137. Zakona o zaštiti od požara i vatrogastvu Federacije BiH u iznosu od 110.000,00 KM koja nisu trošena u 2015. godini.

U planiranom iznosu uvrštena su i sredstava dobrovoljno uplaćenih namjenskih donacija, za sufinansiranje otklanjanja posljedica prirodne nesreće i obnovu područja zahvaćenih prirodnom nesrećom u iznosu od 280.000,00 KM.

U izvršenom iznosu na poziciji tekućih transfera u 2015.godini uračunat je iznos od 279.994,00 KM sredstava dobrovoljno uplaćenih namjenskih donacija za sufinansiranje otklanjanja posljedica prirodne nesreće i obnovu područja zahvaćenih prirodnom nesrećom, pomoći dodijeljene općinama i 13.000,00 KM sredstava tekuće rezerve koja je odlukom Vlade TK podijeljeno općinama za pomoć u saniranju šteta.

U izvršenom iznosu na poziciji tekućih transfera u 2014.godini uračunat je iznos od 1.225.000,00 KM sredstava koje je Vlada Federacije BiH dodijelila za pomoć u provođenju hitnih intervencija tokom stanja prirodne nesreće od poplava i klizišta na području Tuzlanskog kantona i 19.500,00 KM sredstava tekuće rezerve koja je odlukom Vlade TK podijeljeno općinama za pomoć u vrijeme trajanja stanja prirodne nesreće.

Redni broj	Program Pozicija	Planirano u KM 2015.godina	Ostvareno u KM 2015.godina	Ostvareno u KM 2014.godina	Indeks 4/3	Indeks 4/5
1	2	3	4	5	6	7
1.	KUCZ (26010001) Tekući i kapitalni izdaci	931.959,00	811.228,06	1.716.802,16	87,0	47,3
2.	Bruto plaće i naknade plaća	365.000,00	355.834,26	348.167,48	97,5	102,2
3.	Naknade troškova zaposlenih	42.790,00	36.634,00	47.678,00	85,6	76,8
4.	Doprinosi poslodavaca	38.400,00	38.397,22	37.450,36	100,0	102,5
5.	Izdaci za materijal, sitni inventar i usluge	98.769,00	87.368,58	88.176,16	88,5	99,1
6.	Tekući transferi i drugi tekući rashodi	312.000,00	292.994,00	1.244.500,00	93,9	23,5
7.	Kapitalni transferi	35.000,00	0,00	0,00	0,0	0,0
8.	Kapitalni izdaci	40.000,00	0,00	0,00	0,0	0,0
9.	KUCZ (26010002) Posebna naknada za zaštitu od prirodnih i drugih nesreća	2.500.000,00	609.837,13	2.025.857,30	24,4	30,1
10.	Izdaci za materijal, sitni inventar i usluge	100.000,00	374,40	32.318,93	0,4	1,2
11.	Tekući transferi i drugi tekući rashodi	1.950.000,00	597.439,10	1.982.375,53	30,6	30,1
12.	Kapitalni transferi	150.000,00	10.000,00	10.000,00	6,7	100,0
13.	Kapitalni izdaci	300.000,00	2.023,63	2.170,88	0,7	93,2
	Ukupno:	3.431.959,00	1.421.065,19	3.742.659,46	41,4	38,0

Tabela 2 – Pregled Plana Budžeta za 2015.godinu, izvršenja Budžeta Kantonalne uprave civilne zaštite za 2015.godinu i usporedba sa izvršenjem u 2014.godini

U Tabeli 3 iskazan je analitički pregled (opis troška) na poziciji 613000 - Izdaci za materijal, sitan inventar i usluge ostvarenih u 2015.godini u odnosu na ostvarenje u 2014.godini u okviru redovnih budžetskih sredstava za rad Kantonalne uprave civilne zaštite.

Redni broj	Opis troška	Ostvareno 2015.g	Ostvareno 2014.g	Indeks %
1.	Putni troškovi u zemlji	857,50	463,60	185,09
2.	Putni troškovi u inostranstvu	0,00	100,00	0,0
3.	Izdaci za el.energiju	7.137,31	4.900,08	145,65
4.	Izdaci za centralno grijanje	6.862,09	8.199,92	83,69
5.	Izdaci za telefon, telef.	2.217,90	2.972,21	74,59
6.	Izdaci za internet	1.029,50	1.038,90	99,13
7.	Izdaci za mobilne telefone	2.420,05	2.237,07	108,18
8.	Poštanske i ostale usluge komunikacija	0,00	85,07	0,0
9.	Izdaci za komunalne usluge i kanalizaciju	662,28	537,94	123,27
10.	Izdaci za usluge odvoza smeća	1.838,66	1.867,32	98,44
11.	Izdaci za obrasce i papir	444,84	1.029,60	43,14
12.	Izdaci za kompjuterski materijal	1.834,32	1.882,53	97,44
13.	Kancelarijski materijal	9,99	975,20	0,92
14.	Auto gume	658,84	0,00	0,0
15.	Ostali administrativni materija	369,43	0,00	0,0
16.	Dizel	3.539,84	3.735,37	94,75
17.	Motorno ulje	73,65	79,56	92,40
18.	Registracija motornih vozila	323,82	336,57	96,13
19.	Unajmljivanje imovine	43.524,00	48.438,00	89,85
20.	Materijal za popravku i održavanje opreme	140,40	71,84	197,18
21.	Materijal za popravku i održavanje vozila	3.026,02	2.811,09	107,64
22.	Usluge popravaka i održavanja zgrada	0,00	83,85	0,0
23.	Usluge popravaka i održavanja opreme	131,04	133,96	98,42
24.	Usluge popravaka i održavanja vozila	652,64	804,38	81,09
25.	Osiguranje vozila	576,25	602,00	95,68
26.	Osiguranje zaposlenih	380,97	585,31	64,95
27.	Usluge medija	90,00	26,27	346,15
28.	Usluge štampanja	620,10	374,40	165,77
29.	Usluge reprezentacije	867,15	761,40	113,92
30.	Ostali izdaci za informisanje	515,98	606,07	84,98
31.	Usluge stručnog obrazovanja	456,30	0,00	0,0
32.	Zatezne kamate	1,99	0,33	0,0
33.	Izdaci računovodstvenih usluga	81,90	0,00	0,0
34.	Izdaci za rad komisija	3.925,00	1.376,40	285,24
35.	Posebna nakn. za zaštitu od prirodnih i dr. nesreća	1.208,72	1.164,61	103,78
36.	Izdaci po osn.ugov. o djelu porezi i doprinosi	890,10	283,97	314,48
37.	Ostale nespomenute usluge i dadžbine	0,00	40,00	0,0
	UKUPNO:	87.368,58	88.176,16	99,08

Tabela 3 – Pregled izvršenja Budžeta Kantonalne uprave civilne zaštite za 2015.godinu i usporedba sa izvršenjem u 2014.godini na poziciji konta 613000-Izdaci za materijal, sitan inventar i usluge

VI Kapitalni projekti

Zbog nedostatka budžetskih sredstava nisu planirani niti realizirani kapitalni projekti u 2015. godini.

VII Ocjena stanja i postignutih rezultata

Od ostvarenih rezultata u 2015. godini u oblasti zaštite i spašavanja i poslova koji su izvedeni u organizaciji ili u potpunosti od strane KUCZ, svakako zaslužuju da se istaknu:

1. Normativni dio:

Izrada i usvajanje od strane Vlade i Skupštine TK:

- Zakona o izmjenama i dopunama Zakona o zaštiti i spašavanju ljući i materijalnih dobara od prirodnih i drugih nesreća u TK,
- Nacrta Zakona o izmjenama i dopunama Zakona o zaštiti od požara i vatrogastvu na području TK

2 Tematski dio

2.1 Stanje prirodne nesreće

U općinama Gradačac (klizišta), Dobož Istok (poplave) i Kladanj (visok snijeg i snježni nanosi) u toku godine bilo je proglašeno stanje prirodne nesreće. U okviru odgovora na prirodne nesreće aktivirani su općinski štabovi civilne zaštite i općinske komisije za procjenu šteta. Obavljena je i koordinacija procjene šteta i provođenje procedure za ostvarivanje prava na pomoć za hitne intervencije i otklanjanje posljedica nesreće općinama iz kantonalnih i federalnih izvora.

2.2 Finansije

Izrada i priprema:

- Zahtjeva za osiguranje potrebnih finansijskih sredstava za rad KUCZ u 2015. godini,
- Izmjena i dopuna budžeta KUCZ u 2015. godini,
- Plana korištenja sredstava posebne naknade za zaštitu od prirodnih i drugih nesreća u 2015. godini,
- Plana korištenja finansijskih sredstava za zaštitu od požara i vatrogastvo u 2015. godini,
- Operativno planiranje i potrošnja redovnih budžetskih i namjenskih sredstava KUCZ,
- Izveštaja o prikupljanju, raspodjeli i korištenju sredstava posebne naknade za zaštitu od prirodnih i drugih nesreća u 2014. godini,
- Provođenje predviđene procedure po Zakonu o javnim nabavkama BiH,
- Priprema i realizacija odluka o pomoći općinama u skladu sa donešenim odlukama Vlade TK i KŠCZ o dodjeli pomoći općinama i pravnim licima za otklanjanje šteta nastalih djelovanjem prirodnih nesreća u 2014. godini,
- Priprema i realizacija odluka o pomoći općinama u skladu sa donešenim odlukama KŠCZ o dodjeli pomoći općinama hitne intervencije u odgovoru na prirodne nesreće u 2015. godini i za otklanjanje posljedica od prirodne nesreće u 2015. godini,
- Zahtjeva za osiguranje potrebnih finansijskih sredstava za rad KUCZ u 2016. godini i
- Popis obaveza i potraživanja (knjigovodstveno i stvarno stanje) za potrebe popisne komisije.

2.3 Dokumenti usvojeni od strane Vlade TK

Izrada i usvajanje na Vladi TK:

- Informacija o prirodnim nepogodama koje su pogodile Tuzlanski kanton u periodu maj-avgust 2014. godine,

- Zbirni izvještaj o procjeni šteta na materijalnim i drugim dobrima izazvanim djelovanjem prirodnih nesreća na području Tuzlanskog kantona u 2014. godini,
- Zahtjev za dodjelu jednokratne novčane pomoći za otklanjanje posljedica nastalih djelovanjem nesreća na području Tuzlanskog kantona u 2014. godini,
- Zakon o izmjenama i dopunama Zakona o zaštiti i spašavanju ljudi i materijalnih dobara od prirodnih i drugih nesreća u TK,
- Informacija o ostvarenim rezultatima deminiranja i uništavanja neeksplozivnih ubojitih sredstava na području TK u 2014. godini,
- Plan korištenja sredstava posebne naknade za zaštitu od prirodnih i drugih nesreća u 2015. godini,
- Plan korištenja finansijskih sredstava za zaštitu od požara i vatrogastvo u 2015. godini,
- Izvrještaj o radu Kantonalne uprave civilne zaštite i pregleda aktivnosti u oblasti zaštite i spašavanja, na području TK u 2014. godini,
- Izvrještaj o radu Kantonalnog štaba civilne zaštite u 2014. godini,
- Odluka o raspodjeli sredstava namjenskih donacija prikupljenih za finansiranje pomoći za otklanjanje posljedica prirodne nesreće i obnovu područja zahvaćenih prirodnom nesrećom na području TK (u junu i novembru),
- Izvrještaj o realizaciji zadataka iz Programa razvoja zaštite i spašavanja ljudi i materijalnih dobara od prirodnih i drugih nesreća u TK za period 2013 - 2014. godina,
- Odluka o prihvatanju teksta Zahtjeva za dodjelu sredstava Federacije za otklanjanje posljedica nastalih od prirodne nesreće klizanja zemljišta, na području općine Gradačac u periodu februar-juni 2015. godine,
- Odluka o izmjenama i dopunama Odluke o osnivanju Kantonalnog štaba civilne zaštite,
- Rješenje o izmjenama Rješenja o postavljenju komandanta, načelnika i članova Kantonalnog štaba civilne zaštite,
- Rješenje o izmjenama Rješenja o imenovanju Kantonalne komisije za procjenu šteta od prirodnih i drugih nesreća i
- Nacrt Zakona o izmjenama i dopunama Zakona o zaštiti od požara i vatrogastvu na području Tuzlanskog kantona.

2.4 Dokumenti usvojeni od strane Skupštine TK

Izrada i usvajanje na Skupštini TK:

- Program razvoja zaštite i spašavanja od prirodnih i drugih nesreća Tuzlanskog kantona za period od 2013.do 2017. godine,
- Informacija o prirodnim nepogodama koje su pogodile Tuzlanski kanton u periodu maj - august 2014. godine,
- Zakon o izmjenama i dopunama Zakona o zaštiti i spašavanju ljudi i materijalnih dobara od prirodnih i drugih nesreća u TK,
- Informaciju o ostvarenim rezultatima deminiranja i uništavanja neeksplozivnih ubojitih sredstava na području TK u 2014. godini i
- Nacrt Zakona o izmjenama i dopunama Zakona o zaštiti od požara i vatrogastvu na području Tuzlanskog kantona.

2.5 Izvrještavanje

Izrada i usvajanje na Kolegiju Uprave:

- Mjesečnih izvještaja o radu KUCZ sa pregledom aktivnosti u oblasti zaštite i spašavanja na području TK i dostavljanje istih Premijeru TK i Direktorcu FUCZ i
- Mjesečnih izvještaja o radu Inspektorata za zaštitu i spašavanje KUCZ.

2.6 Kadrovski poslovi

Priprema i donošenje na Vladi TK:

- Odluku o izmjenama i dopunama Odluke o osnivanju KŠCZ,
- Rješenje o izmjenama i dopunama Rješenja o postavljenju komandanta, načelnika i članova KŠCZ i uvođenje u posao novih članova.

2.7 Ostali poslovi

U ostalim poslovima zaslužuju da se navedu:

- obavljanje svih poslova potrebnih za ostvarivanje funkcije KŠCZ,
- obavljanje svih poslova potrebnih za ostvarivanje funkcije Kantonalne komisije za procjenu šteta,
- koordiniranje poslova deminiranja na području TK u okviru kojih je na području TK,
- priprema odgovora na poslanička pitanja Skupštine TK,
- kontinuirana suradnja sa medijima,
- ostali poslovi iz nadležnosti KUCZ.

U navedenom periodu ostvarena je veoma dobra suradnja sa Vladom TK i Skupštinom TK.

Ostvarena je veoma dobra suradnja sa općinama i medijima koji su veoma afirmativno izvještavali o aktivnostima koje se vode u oblasti zaštite i spašavanja i stvaranja pozitivnog stava javnosti o civilnoj zaštiti i učešću u provođenju mjera zaštite i spašavanja.

U 2015. godini nisu završeni planirani poslovi na izradi i donošenju:

- 1) Prijedloga Zakona o izmjenama i dopunama Zakona o zaštiti od požara i vatrogastvu na području Tuzlanskog kantona,
- 2) Inoviranog Pravilnika o unutrašnjoj organizaciji KUCZ.

Navedeni zakon nije donesen zbog toga što nije prihvaćen prijedlog da ide u hitnu proceduru donošenja pa su u 2015. godini završene aktivnosti na donošenju nacrtu i upućivanju istog u javnu raspravu.

Pripremljen je novi Pravilnik o unutrašnjoj organizaciji KUCZ ali zbog planiranih organizacijskih promjena u kantonalnim organima za upravu i primjene člana 192. Zakona o zaštiti i spašavanju nije o njemu raspravljano na Vladi TK.

2.8 Ocjena postignutih rezultata

Na osnovu detaljne analize aktivnosti u oblasti zaštite i spašavanja na području Tuzlanskog kantona u 2015. godini, može se zaključiti da je to bila uspješna godina.

Prirodne nesreće u 2014. godini su elaborirane kroz Informacija o prirodnim nepogodama koje su pogodile Tuzlanski kanton u periodu maj-avgust 2014. godine.

U navedenoj informaciji je dat i prijedlog mjera za poboljšanje stanja u oblasti zaštite i spašavanja. Također su urađeni konačni izvještaji o štetama na općinama i Zbirni izvještaj o procjeni šteta na materijalnim i drugim dobrima izazvanim djelovanjem prirodnih nesreća na području Tuzlanskog kantona u 2014. godini na osnovu kojih je općinama upućena pomoć za otklanjanje posljedica nesreća u iznosu od 513.000,00 KM od strane KŠCZ i Vlade TK i 2.520.000,00 KM od strane FŠCZ.

Urađen je i donešen novi Program razvoja zaštite i spašavanja ljudi i materijalnih dobara od prirodnih i drugih nesreća u TK za period 2013 - 2017. godina i Izvještaj o realizaciji zadataka iz prve dvije godine primjene navedenog programa.

Završene su aktivnosti na donošenju Zakona o izmjenama i dopunama Zakona o zaštiti i spašavanju ljudi i materijalnih dobara od prirodnih i drugih nesreća u TK i nacrtu Zakona o izmjenama i dopunama Zakona o zaštiti od požara i vatrogastvu na području TK.

Imenovani su novi KŠCZ i Kantonalna komisija za procjenu šteta, izvršena je njihova obuka i stavljanje u funkciju.

Formirane su kantonalne službe zaštite i spašavanja, njihovo opremanje i stavljanje u funkciju: Gorska služba spašavanja, Služba za spašavanje na vodi i pod vodom, Služba za biološko-hemijsku zaštitu i Služba zaštite od požara.

Omogućen je rad Komisije za polaganje ispita za vatrogasca u skladu sa Uredbom o sadržaju, načinu i programu polaganja ispita u oblasti vatrogastva i Komisije za polaganje ispita za protupožarnu zaštitu u skladu sa Programom polaganja ispita za protivpožarnu zaštitu.

Održano je nekoliko okruglih stolova-tematskih skupova na kojima je vršena detaljna analiza opasnosti od mina, poplava i klizišta i na kojima su doneseni zaključci za umanj enje te opasnosti i unapređenje odgovora u slučaju nesreće.

Vršen je kontinuirani inspekcijski nadzor u oblasti zaštite i spašavanja u općinskim organima uprave i pravnim licima na području Tuzlanskog kantona.

Uspješno je vršena koordinacija poslova deminiranja i uklanjanja NUS-a.

Obavljani su svi poslovi iz nadležnosti KUCZ utvrđeni Zakonom o zaštiti i spašavanju i Zakonom o zaštiti od požara i kontinuirana saradnja sa službama civilne zaštite, kantonalnim organima uprave i koordinacija sistema zaštite i spašavanja na području Tuzlanskog kantona.

Da bi se unaprijedio stepen izvršavanja planiranih aktivnosti u narednom periodu potrebno je izvršiti kadrovsku popunu Inspektorata za zaštitu i spašavanje i KOC CZ i nastaviti aktivno raditi na instaliranju sistema zaštite i spašavanja na općinama i Gradu Tuzli u skladu sa Zakonom o zaštiti i spašavanju i Zakonom o zaštiti od požara.

VIII Programska orijentacija

Kantonalna uprava civilne zaštite će nastaviti daljnju izgradnju sistema zaštite i spašavanja ljudi i materijalnih dobara od prirodnih i drugih nesreća, u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH”, broj 39/03, 22/06 i 43/10) i Zakonom o zaštiti i spašavanju ljudi i materijalnih dobara od prirodnih i drugih nesreća u Tuzlanskom kantonu („Službene novine TK”, broj 10/08).

Također, biti će intenzivirana implementacija Zakona o zaštiti od požara i vatrogastvu („Službene novine Federacije BiH”, broj 64/09) i Zakona o zaštiti od požara i vatrogastvu u Tuzlanskom kantonu („Službene novine TK”, broj 1/12).

Vizija

Izgradnja sistema zaštite i spašavanja na području Tuzlanskog kantona, projektiranog Zakonom o zaštiti i spašavanju i Zakonom o zaštiti od požara, koji će biti u stanju osigurati zaštitu i spašavanje ljudi i materijalnih dobara u odgovoru na opasnosti, prirodne i druge nesreće koje se mogu dogoditi na području TK.

Misija

U skladu sa nadležnostima KUCZ utvrđenim Zakonom o zaštiti i spašavanju i Zakonom o zaštiti od požara obavljati poslove na razini Tuzlanskog kantona i koordinaciju poslova zaštite i spašavanja na općinskoj razini.

Svoju misiju u 2016. godini KUCZ planira ostvariti u okvirima svoje zakonom utvrđene nadležnosti i ostvarivanje više ciljeva.

Strateški ciljevi

Strateški cilj 1 - Ostvarivanje osnovne funkcije i unapređenje rada KUCZ,

Strateški cilj 2 - Koordinacija poslova deminiranja i umanj enje opasnosti od mina i neeksploziviranih ubojitih sredstava na području Tuzlanskog kantona i

Strateški cilj 3 - Stvaranje povoljnijeg ambijenta za daljni razvoj sistema zaštite i spašavanja.

U realizaciji navedenih ciljeva ostvariti potpunu suradnja sa kantonalnim organima uprave i institucijama, pravnim licima i drugim subjektima u skladu sa navedenim propisima na izgradnji i unapređenju sistema zaštite i spašavanja, prevenciji, unapređenju organizacije rada i korištenja snaga i sredstava civilne zaštite, izradi planskih i izvještajnih dokumenata i provođenju mjera zaštite i spašavanja ljudi i materijalnih dobara od prirodnih i drugih nesreća.

Voditi stalne aktivnosti na još aktivnijem uključivanju, pored organiziranih struktura civilne zaštite, općinskih službi za upravu, kantonalnih ministarstava, drugih kantonalnih organa uprave, javnih službi i preduzeća, privrednih društava i drugih pravnih subjekata čija je djelatnost od značaja za zaštitu i spašavanje, kako bi se ostvarila koncepcija Zakona o zaštiti i spašavanju o jedinstvenom i sveobuhvatnom pristupu poslovima zaštite i spašavanja.

U općinskim službama i Kantonalnoj upravi civilne zaštite poduzeti sve neophodne mjere, putem obuka, savjetovanja i vježbi kako bi se unaprijedila spremnost pripadnika struktura civilne zaštite i građana, za poduzimanje preventivnih mjera zaštite i spašavanja ljudi i materijalnih dobara od prirodnih i drugih nesreća.

Stvarati pretpostavke za funkcioniranje operativnih centara CZ u svim općinama, 24 sata dnevno, za vrijeme trajanja stanja prirodne ili druge nesreće, ili u periodu kada se ocjeni da postoji neposredna opasnost od nastanka prirodne ili druge nesreće.

U neprekidnom kontaktu sa općinskim načelnicima raditi na ispunjenju obaveza utvrđenih u Zakonu o zaštiti i spašavanju i Zakonu o zaštiti od požara i vatrogastvu a naročito u dijelu obaveze uređenja statusa općinske službe civilne zaštite i formiranja i opremanja profesionalne vatrogasne jedinice u okviru općinske službe civilne zaštite ili rješenjem zaštite od požara na neki od načina predviđenim zakonom

Nastaviti i dalje unapređivati suradnju sa Federalnom upravom civilne zaštite, kantonalnim upravama civilne zaštite sa područja Federacije BiH, regionalnim i općinskim organima civilne zaštite Republike Srpske i Distrikta Brčko.

Pored navedenih ciljeva i aktivnosti u 2016. godini posebna pažnja bit će posvećena sljedećim projektima:

- 1) Ažuriranje Procjene ugroženosti Tuzlanskog kantona od prirodnih i drugih nesreća,
- 2) Ažuriranje Plana zaštite i spašavanja Tuzlanskog kantona od prirodnih i drugih nesreća,
- 3) Formiranje novih službi zaštite i spašavanja Tuzlanskog kantona,
- 4) Formiranje, opremanje, obučavanje i aktiviranje jedinica civilne zaštite opće namjene u općinama,
- 5) Izgradnja sistema zaštite od požara u općinama Doboj Istok, Čelić, Kladanj, Sapna i Teočak,
- 6) Izrada novog Pravilnika o unutrašnjoj organizaciji KUCZ,
- 7) Obuka novih općinskih štabova civilne zaštite i
- 8) Koordinacija poslova deminiranja i uklanjanja NUS-a na području Tuzlanskog kantona.

IX Izvršavanje planiranih kontinuiranih poslova

1. Prvostepeno upravno rješavanje

1.1. Donošenje Rješenja za obavljanje stručnih poslova iz oblasti zaštite od požara

Kantonalna uprava civilne zaštite na osnovu člana 128. stav 4. Zakona o zaštiti od požara i vatrogastvu („Službene novine Federacije BiH”, broj: 64/09), na zahtjev zainteresovanih pravnih lica sa područja TK, donosi rješenja za obavljanje stručnih poslova iz oblasti zaštite od požara, definisanih članom 5. tačka 5) Pravilnika o kriterijima za kadrovske, tehničke i druge uslove koje moraju ispunjavati pravna lica registrovana za obavljanje poslova iz oblasti zaštite od požara („Službene novine Federacije BiH”, broj 7/12). Navedenim Rješenjem se ovlašćuje pravno lice za izvođenje obuke prema Programu obuke zaposlenika u pravnim licima, državnim organima i drugim institucijama u oblasti zaštite od požara („Službene novine Federacije BiH”, broj 59/10).

Tokom 2015. godine, na zahtjev pravnog lica, izdato je jedno Rješenje o odobravanju obavljanja stručnih poslova iz oblasti zaštite od požara.

1.2. Donošenje Rješenja o povratu pogrešno uplaćenih sredstava posebne naknade

Na osnovu članova 4. i 7. Pravilnika o procedurama za povrat i preknjiženje više ili pogrešno uplaćenih javnih prihoda sa jedinstvenog računa trezora Tuzlanskog kantona („Službene novine TK“, broj 11/05, 9/07 i 5/08), direktor KUCZ donosi Rješenje o utvrđivanju prava na povrat pogrešno uplaćenih prihoda. Tokom 2015. godine donijeta su ukupno dva rješenja a pet povrata pogrešno ili više uplaćenih sredstava urađeno je po rješenjima Ministarstva finansija TK.

2. Inspeksijski nadzor

Pri KUCZ, u Sektoru za administrativno tehničke i inspeksijske poslove, formiran je Inspektorat za zaštitu i spašavanje, kao unutrašnja organizaciona jedinica. Inspektorat za zaštitu i spašavanje je stavljen u funkciju u aprilu 2012. godine, sa postavljena tri inspektora (kantonalni inspektor civilne zaštite, kantonalni inspektor za zaštitu od požara i kantonalni inspektor za vatrogastvo), dok radno mjesto glavnog kantonalnog inspektora za zaštitu i spašavanje nije popunjeno.

Kantonalna uprava civilne zaštite, u okviru svoje nadležnosti, obavlja poslove inspeksijskog nadzora, koji se odnose na:

- organiziranje i funkcioniranje civilne zaštite u kantonalnim organima uprave i kantonalnim ustanovama, općinama/gradu i pravnim licima od značaja za kanton i općinu/grad, prema odredbama člana 191. Zakona o zaštiti i spašavanju ljudi i materijalnih dobara od prirodnih i drugih nesreća, („Službene novine Federacije BiH“, broj 39/03, 22/06 i 43/10) i prema odredbama člana 17. Zakona o zaštiti i spašavanju ljudi i materijalnih dobara od prirodnih i drugih nesreća u Tuzlanskom kantonu („Službene novine TK“, broj 10/08),

- inspeksijski nadzor u oblasti zaštite od požara u općinama/gradu i svim pravnim licima od značaja za kanton, općinu/grad, prema odredbama člana 148. Zakona o zaštiti od požara i vatrogastvu („Službene novine Federacije BiH“, broj 64/09) i prema odredbama članova 30. i 31. Zakona o zaštiti od požara i vatrogastvu na području Tuzlanskog kantona („Službene novine TK“, broj 1/12) i

- inspeksijski nadzor u oblasti vatrogastva u općinama/gradu i svim pravnim licima od značaja za kanton, općinu/grad, prema odredbama člana 148. Zakona o zaštiti od požara i vatrogastvu („Službene novine Federacije BiH“, broj 64/09) i prema odredbama članova 30. i 31. Zakona o zaštiti od požara i vatrogastvu na području Tuzlanskog kantona („Službene novine TK“, broj 1/12).

Tokom 2015. godine vršen je inspeksijski nadzor:

- u oblasti civilne zaštite, obavljena su ukupno 143 inspeksijska pregleda po službenoj dužnosti (63 redovna i 72 kontrolna i 8 dopunskih pregleda), nakon čega je izdato 59 rješenja, sa 214 naloženih mjera,

- u oblasti zaštite od požara, ukupno 159 inspeksijskih pregleda po službenoj dužnosti (62 redovna, 78 kontrolnih i 19 dopunskih pregleda), nakon čega je izdato 48 rješenja, sa 165 naloženih mjera,

- u oblasti vatrogastva, ukupno 150 inspeksijskih pregleda po službenoj dužnosti (65 redovnih, 76 kontrolnih i 9 dopunskih pregleda), nakon čega su izdata 53 rješenja, sa 206 naloženih mjere i

- pokrenuto je 8 zahtjeva za pokretanje prekršajnog postupka.

Analizirajući rezultate inspeksijskog nadzora u 2015. godini i upoređujući sa ostvarenim rezultatima u 2014. godini, može se zaključiti da je obim inspeksijskog nadzora u 2015. godini u skoro svim segmentima povećan, što se može vidjeti iz Tabele 4.

Oblast	Redovni pregledi		Kontrolni Pregledi		Rješenja o nalaganju mjera		Naloženo mjera		Izvršeno mjera		Zahjevi za pokretanje prekršajnog postupka	
	2014	2015	2014	2015	2014	2015	2014	2015	2014	2015	2014	2015
Civilna zaštita	66	63	60	80	61	59	242	214	240	133	0	2
Zaštita od požara	78	62	58	97	69	48	242	165	156	241	6	3
Vatrogastvo	66	65	30	85	48	53	163	206	69	225	5	3
Ukupno:	210	190	148	262	178	160	647	585	465	599	11	8
Index	0,90		1,77		0,90		0,90		1,29		0,73	

Tabela 4 - Pregled ostvarenih rezultata inspeksijskog nadzora KUCZ u 2015. godini

Treba napomenuti da je u vršenju inspeksijskog nadzora veća pažnja data kontrolnim pregledima u odnosu na redovne preglede. To je imalo za posljedicu veće izvršenje ranije naloženih mjera, što i jeste primarni zadatak inspeksijskog nadzora.

3. Upravni sporovi-prekršajni postupci

Tokom 2015. godine podnijeto je ukupno 8 zahtjeva za pokretanje prekršajnog postupka:

- Kantonalni inspektor za civilnu zaštitu je podnio 2 zahtjeva za pokretanje prekršajnog postupka,
- Kantonalni inspektor za zaštitu od požara podnio je 3 zahtjeva za pokretanje prekršajnog postupka i
- Kantonalni inspektor za vatrogastvo podnio je 3 zahtjeva za pokretanje prekršajnog postupka.

Vezano za zahtjeve za pokretanje prekršajnog postupka iz ranijih godina, pred nadležnim sudovima na 11 rasprava prisustvovao je sekretar uprave, kao predstavnik ovlaštenog organa, odnosno Kantonalne uprave civilne zaštite.

4. Rad stručnog kolegija KUCZ

Održano je 39 sjednica stručnog kolegija KUCZ, na kojima su razmatrana sva važnija pitanja iz nadležnosti KUCZ, te dogovarane aktivnosti u vezi sa tim, kao i način njihove realizacije. U cilju podizanja odgovornosti, boljeg informisanja i kvalitetnije saradnje sa strukturama civilne zaštite na terenu, posebno sa općinskim službama civilne zaštite (OSCZ), na sjednicama stručnog kolegija redovno su analizirani nedjeljni izvještaji o radu OSCZ, kao i najaktuelniji problemi zaštite i spašavanja u općinama. Na osnovu ovoga donošeni su odgovarajući zaključci o rješavanju najvažnijih pitanja i preduzimane konkretne aktivnosti.

Također su, na osnovu Programa rada KUCZ i Programa rada Inspektorata za zaštitu i spašavanje za 2015. godinu, na sjednicama stručnog kolegija KUCZ, donošeni planovi rada te usvajani izvještaji o radu za svaki mjesec, koji su dostavljani Vladi TK i FUCZ.

Dokumenti:

1. Zapisnik sa sjednice stručnog kolegija KUCZ,
2. Izvještaj o radu Kantonalne uprave civilne zaštite i pregled aktivnosti u oblasti zaštite i spašavanja na području TK (mjesečni),

3. Plan rada Kantonalne uprave civilne zaštite (mjesečni),
4. Izvještaj o radu Inspektorata za zaštitu i spašavanje (mjesečni) i
5. Plan rada Inspektorata za zaštitu i spašavanje (kvartalni i mjesečni).

5. Rad Kantonalnog operativnog centra i Operativno komunikacijskog centra Bosne i Hercegovine

Kantonalni operativni centar civilne zaštite (KOC CZ) je svakodnevno sačinjavao dnevne izvještaje o stanju u oblasti zaštite i spašavanja na području TK, koji su dostavljani Federalnom operativnom centru civilne zaštite (FOC CZ). Aktuelne informacije iz oblasti zaštite i spašavanja sa područja TK su dostavljane i medijima.

U organizaciji KUCZ, u saradnji sa FUCZ i Ministarstvom sigurnosti BiH – Sektor za zaštitu i spašavanje, u Tuzli je 17. i 18.02.2015. godine održana obuka zaposlenih u kantonalnom i općinskim operativnim centrima civilne zaštite na području TK. Obuka je provedena prema Nastavnom planu i programu obuke, koji je donio direktor KUCZ. Cilj i zadatak obuke je bio da se zaposlenici, kao i lica koja su raspoređena na rad u operativnim centrima, u slučajevima prirodne i druge nesreće obuču i osposobe za rad. Obuci su prisustvovala ukupno 44 polaznika iz svih općinskih operativnih centara na području kantona i 5 polaznika iz Kantonalnog operativnog centra. Obuci su također prisustvovala i dva predstavnika Kantonalnog operativnog centra Srednjobosanskog kantona.

Dokumenti:

1. Dnevni izvještaji (365)
2. Vanredni izvještaji (4)
3. Izvještaji za medije (258)

Pravni osnov: U skladu sa odredbom člana 152 Zakona o zaštiti i spašavanja ljudi materijalnih dobara od prirodnih i drugih nesreća u FBiH („Službene novine Federacije BiH“, broj 39/03, 22/06 i 43/10) i člana 18. Pravilnika o organiziranju i funkcioniranju operativnih centara civilne zaštite („Službene Federacije BiH“, broj 8/07).

6. Priprema informacija, analiza, izvještaja i drugih materijala za potrebe Kantonalnog štaba civilne zaštite

U toku 2015. godine vršeno je inoviranje Odluke o osnivanju Kantonalnog štaba civilne zaštite (KŠCZ) i imenovanje novih članova u skladu sa kadrovskim promjenama Vlade TK.

Održano je deset redovnih sjednica KŠCZ i nekoliko radno konsultativnih sastanaka Komandanta i načelnika KŠCZ na kojima su razmatrana pitanja iz njegove nadležnosti. Kantonalna uprava civilne zaštite obavljala je sve potrebne stručne, administrativne, tehničke i druge poslove neophodne za rad KŠCZ.

Dokumenti:

1. Izvodi iz Zapisnika sa sjednice KŠCZ,
2. Informacija o prirodnim nepogodama koje su pogodile Tuzlanski kantona u periodu maj-avgust 2014. godine,
3. Izvještaj o radu Kantonalnog štaba civilne zaštite u 2014. godini,
4. Izvještaj o korištenju sredstava posebne naknade za zaštitu od prirodnih i drugih nesreća u 2014. godini,
5. Program obilježavanja Dana civilne zaštite u 2015. godini,
6. Odluka o dodjeli priznanja civilne zaštite u 2015. godini,
7. Poslovnik o radu KŠCZ,
8. Mišljenje KŠCZ na Plan korištenja sredstava Posebne naknade za zaštitu od prirodnih i drugih nesreća u 2015. godini,

9. Mišljenje na Plan korištenja finansijskih sredstava za zaštitu od požara i vatrogastvo u 2015. godin,

10. Odluka o dodjeli jednokratne novčane pomoći općinama za otklanjanje posljedica prirodnih nesreća u 2014. godini iz sredstava posebne naknade,

11. Prijedlog odluke i Obrazloženje o raspodjeli sredstava namjenskih donacija prikupljenih za finansiranje pomoći u otklanjanju posljedica prirodne nesreće i obnovu područja zahvaćenih prirodnom nesrećom na području TK,

12. Odluke za dodjelu pomoći za hitne intervencije tokom djelovanja prirodne nesreće općinama Kladanj i Gradačac,

13. Odluke za dodjelu sredstava za nabavku opreme službama zaštite i spašavanja Tuzlanskog kantona,

14. Odluke za dodjelu sredstava za obuku članova službi zaštite i spašavanja Tuzlanskog kantona i

15. Odluke, obavijesti, zaključci i druga akta proistekla nakon realizacije dnevnog reda sjednica KŠCZ tokom 2015. godine.

Pravni osnov: U skladu sa odredbom člana 28 Zakona o zaštiti i spašavanja ljudi materijalnih dobara od prirodnih i drugih nesreća u FBiH („Službene novine Federacije BiH“, broj 39/03, 22/06 i 43/10) i člana 28. Pravilnika o načinu rada i funkcioniranja štabova i povjerenika civilne zaštite („Službene novine Federacije BiH“, broj 77/06 i 5/07).

7. Saradnja sa općinskim službama civilne zaštite (OSCZ)

Saradnja sa OSCZ je kontinuirana aktivnost koja se odvija u svim segmentima koji su od značaja za oblast zaštite i spašavanja. U ovom periodu održana su četiri sastanka direktora KUCZ sa rukovodiocima OSCZ. Rukovodioci OSCZ su prisustvovali i aktivno učestvovali na tematskim skupovima o deminiranju, utjecaju Hidroakumulacije Modrac na poplave i odgovoru sistema zaštite i spašavanja na katastrofalne poplave i klizišta u 2014. godini koje je organizirala KUCZ.

Saradnja između KUCZ i OSCZ se odvija u pravcu:

- razmjene informacija putem operativnih centara i pružanje podrške u njihovom radu,
- provođenja aktivnosti na zaštiti i spašavanju ugroženih ljudi i materijalnih dobara i na otklanjanju nastalih posljedica,
- provođenja mjera zaštite i spašavanja,
- iznalaženja sredstava za finansiranje aktivnosti koje su od značaja za zaštitu i spašavanje od prirodnih nepogoda i
- prikupljanja i obrade podataka o nastalim posljedicama izazvanih prirodnim nepogodama i poduzetim mjerama na otklanjanju posljedica u funkciji informisanja KŠCZ, Vlade TK, FUCZ i javnosti.

Dokumenti:

1. Zapisnik sa sastanka direktora KUCZ i rukovodilaca OSCZ,
2. Zaključci sa tematskih skupova.

Pravni osnov: U skladu sa odredbom člana 28 Zakona o zaštiti i spašavanja ljudi materijalnih dobara od prirodnih i drugih nesreća u FBiH („Službene novine Federacije BiH“, broj 39/03, 22/06 i 43/10).

8. Pružanje podrške radu Kantonalne komisije za procjenu šteta od prirodnih i drugih nesreća

KUCZ je obavljala sve administrativno-tehničke poslove potrebne za rad Kantonalne komisije za procjenu šteta od prirodnih i drugih nesreća. U 2015. godini održano je 8 sastanka navedene komisije.

Dokumenti:

1. Zapisnik sa sastanka Kantonalne komisije za procjenu šteta.

2. Zbirni izvještaj o procjeni šteta na materijalnim i drugim dobrima izazvanim djelovanjem prirodnih nesreća na području Tuzlanskog kantona u 2014. godini.

3. Izvještaj o radu Kantonalne komisije za procjenu šteta u 2015. godini.

4. Prijedlozi Odluka o dodjeli sredstava općinama za KŠCZ i Vladu TK koje u skladu sa propisima sačinjava Kantonalna komisija za procjenu šteta.

5. Priprema Zahtjeva za traženje pomoći od Vlade Federacije Bosne i Hercegovine i Federalnog štaba civilne zaštite u ime Vlade TK.

Pravni osnov: U skladu sa odredbom člana 24. Zakona o zaštiti i spašavanja ljudi materijalnih dobara od prirodnih i drugih nesreća u FBiH („Službene novine Federacije BiH“, broj 39/03, 22/06 i 43/10) i Odluke o formiranju Kantonalne komisije za procjenu šteta od prirodnih i drugih nesreća („Službene novine Tuzlanskog kantona“, broj 6/05 i 8/10).

9. Formiranje službi zaštite i spašavanja

U prostorijama KUCZ održano je više radnih sastanaka sa predstavnicima udruženja i pravnih subjekata sa područja TK u okviru kojih je predviđeno formiranje službi zaštite i spašavanja. Razgovarano je o utvrđivanju uvjeta potrebnih za zaključivanje ugovora o međusobnim pravima i obavezama kao i utvrđivanje konačnog teksta ugovora. Pored uposlenika KUCZ sastancima su prisustvovali i predstavnici: Zavoda za javno zdravstvo Tuzlanskog kantona, JP „Međunarodni aerodrom Tuzla“ u Tuzli, Udruženja Ronilački klub „Vidara“ Gradačac i Udruženja „Gorska služba spašavanja“ Srebrenik.

U toku 2015. godine sa svim navedenim subjektima potpisan je ugovor o formiranju službe zaštite i spašavanja.

Dokumenti:

1. Uredba o organizovanju službi zaštite i spašavanja na području TK („Službene novine TK“, broj 2/14)

Pravni osnov: Odredbe člana 122 Zakona o zaštiti i spašavanja ljudi materijalnih dobara od prirodnih i drugih nesreća u FBiH („Službene novine Federacije BiH“, broj 39/03, 22/06 i 43/10) i člana 3 Pravilnika o organiziranju službi zaštite i spašavanja i jedinica civilne zaštite, njihovim poslovima i načinu rada.

10. Praćenje potrošnje dodjeljenih sredstava posebne naknade

Uposlenici KUCZ izvršili su komisijski uvid dokumentaciju o pravdanju potrošnje dodjeljenih sredstava i uvid u realizaciju projekata na terenu koji su sufinansirani sredstvima posebne naknade za zaštitu i spašavanje, dodjeljenih putem Javnih poziva u 2012. i 2013. godini, kao i kontrolu utroška sredstava dodjeljenih kao pomoć općinama u 2014. godini za hitne intervencije i otklanjanje posljedica prirodnih nesreća. U svakoj općini je sačinjen zapisnik, koji je potpisan od strane članova komisije za kontrolu utroška sredstava KUCZ i predstavnika općine.

Dokumenti:

1. Zapisnici o kontroli utroška dodjeljenih sredstava na području općina TK.

Pravni osnov: U skladu sa odredbama Odluke o dodjeli novčane pomoći općinama za saniranje dijela šteta nastalih prirodnom ili drugom nesrećom iz neutrošenih sredstava posebne naknade i Odluke o dodjeli novčane pomoći općinama za sufinansiranje projekata razvoja sistema zaštite i spašavanja, na području TK.

11. Rad komisija za polaganje ispita iz protivpožarne zaštite i vatrogastva

Tokom 2015. godine održana su 4 ispitna roka za polaganje ispita iz protivpožarne zaštite, na koje je pristupilo 23 kandidata.

Komisija za polaganje ispita za profesionalnog vatrogasca održala je jedan ispitni rok za četiri kandidata iz Živinica i više konsultativnih sastanaka.

Dokumenti:

1. Izdato je 21 rješenje o odobravanju polaganja ispita za PPZ, od čega 5 za popravni ispit

2. Izdata su 4 rješenja o odobravanju polaganja ispita za profesionalnog vatrogasca
3. Zapisnici o radu komisije za PPZ – 4
4. Zapisnici o radu komisije za vatrogasce – 1
5. Izvještaj o radu komisije za PPZ – 4
6. Izvještaj o radu komisije za vatrogasce – 1
7. Zaključak o odbacivanju prijave za polaganje ispita za PPZ – 3
8. Uvjerenje o položenom protivpožarnom ispitu – 10
9. Uvjerenje o položenom ispitu za vatrogasca – 4.

Pravni osnov: U skladu sa odredbama člana 128. Zakona o zaštiti od požara i vatrogastvu („Službene novine Federacije BiH“, broj 64/09), Programa polaganja ispita za protupožarnu zaštitu („Službene novine Federacije BiH“, broj 67/13) i Uredbe o sadržaju, uslovima, načinu i programu polaganja ispita u oblasti vatrogastva („Službene novine Federacije BiH“, broj 93/12 i 105/14)

12. Obučavanje i učešće na stručnim skupovima i manifestacijama

U okviru stručnog osposobljavanja uposlenici KUCZ su uzeli učešće u radu nekoliko organiziranih stručnih manifestacija u oblasti zaštite i spašavanja:

- Članovi komisije za javne nabavke pri KUCZ prisustvovali su jednodnevnoj radionici na temu „Primjena novog Zakona o javnim nabavkama BiH“, koju je Agencija za državnu službu Federacije Bosne i Hercegovine organizovala dana 04.02.2015. godine.

- KUCZ je 17. i 18.02.2015. godine zajedno sa FUCZ i Ministarstvom sigurnosti BiH - Sektor za zaštitu i spašavanje, održala obuku zaposlenih u kantonalnom i općinskim operativnim centrima civilne zaštite na području Tuzlanskog kantona. Obuka je provedena prema Nastavnom planu i programu obuke, koji je donio direktor Kantonalne uprave.

- Direktor KUCZ je dana 24.02.2015. godine, prisustvovao na Okruglom stolu, koji je u organizaciji Centra civilnih inicijativa (CCI) održan u hotelu „Europa“ u Sarajevu. Tema je bila prezentacija i analiza Studije „Odgovor na stanje prirodne nesreće uslijed poplava i klizišta u BiH“, koju su izradili članovi CCI.

- U dane 27. i 28.03.2015. godine, održan je u Brčkom, treći međunarodni skup pod nazivom „Katastrofa - prevencija i saniranje posljedica“ u organizaciji Evropskog univerziteta Brčko Distrikta BiH. Na skupu je učestvovao direktor KUCZ gdje je prezentirao stručni rad pod temom „Štete od poplava i klizišta na području TK i doprinos ljudi na njihovom nastanku“.

- U organizaciji KUCZ u Tuzli, dana 08.04.2015. godine, održan je okrugli stol na temu „Opasnost od mina i NUS-a i njeno otklanjanje“, u okviru obilježavanja 4. aprila/travnja - Međunarodnog dana borbe protiv mina. Učešće su, pored predstavnika svih struktura civilne zaštite, uzeli i predstavnici: Regionalnog ureda BH MAC-a Tuzla, Centra za otklanjanje mina u BiH, Inicijative preživjelih od mina, Deminerskog bataljona OS BiH, studenti Univerziteta u Tuzli i predstavnici medija.

- U organizaciji Ministarstva sigurnosti BiH i Organizacije Ujedinjenih nacija (Ured rezidentnog koordinatora u BiH), dana 12.05.2015. godine, održana je u Sarajevu Konferencija „Dvanaest mjeseci poslije kiše: Stečena iskustva, pogledi u budućnost“. Učešće su, pored predstavnika svih struktura civilne zaštite (općina, kantona, entiteta), uzeli: Oružane snage BiH, predstavnik EUFOR-a za municiju i oružje, direktor Federalnog fonda za pomoć nastradalima, direktor Agencije za vodno područje rijeke Save, načelnici nastradalih općina i predstavnici medija. Konferenciji je prisustvovao i direktor KUCZ.

- Dana 17.06.2015. godine u organizaciji KUCZ i Ureda OSCE-a Tuzla, održan je okrugli stol pod nazivom „Hidroakumulacija Modrac i odbrana od poplava“. Na navedenom skupu je obavljena prezentacija odgovarajućih tema koju su pripremili uposlenici Ministarstva poljoprivrede šumarstva i vodoprivrede TK, JP „Spreča“ Tuzla, Agencije za vodno područje rijeke

Save, JU „Vode Srpske“, općinske službe civilne zaštite Lukavac, Gračanica, Petrovo, Doboj Istok, Doboj i KUCZ.

- Dana 18.06.2015. godine u prostorijama Kantonalnog operativnog centra održana je jednodnevna obuka za operativca zaposlenog u operativnom centru civilne zaštite općine Čelić.

- U prostorijama KUCZ, dana 02.09.2015. godine, održan je tematski sastanak: „Zagađenost tla i biljaka u donjem toku rijeke Spreče“, kojem su pored uposlenika KUCZ prisustvovali i predstavnici općina Gračanica i Lukavac. Sastanak je upriličen povodom pristiglih rezultata analiza uzoraka tla i biljnog materijala na području pomenutih općina, koje je u okviru monitoringa u 2015. godini, uradio Federalni zavod za agropedologiju, a koji su ukazivali na veoma opasno stanje zagađenosti zemljišta i biljaka na navedenom području.

- Centar za ekologiju i energiju Tuzla i KUCZ Tuzla u saradnji sa Fondacijom Heinrich Böll Stiftung, održali su tematski skup pod naslovom „Odgovor sistema zaštite i spašavanja Tuzlanskog kantona na poplave u 2014. godini“. Skup je održan u Konferencijskoj sali hotela „Senad od Bosne“ u Lukavcu, dana 07.10.2015. godine, kojem su pored uposlenika KUCZ i članova KŠCZ prisustvovali i predstavnici: svih općina Tuzlanskog kantona, Ministarstva poljoprivrede, šumarstva i vodoprivrede, Ministarstva prostornog uređenja i zaštite okolice TK, MUP-a TK, Agencije za vodno područje rijeke Save, Oružanih snaga BiH, Posavskog kantona i predstavnici medija. U okviru navedenog tematskog skupa urađena je i prezentirana publikacija „Odgovor sistema zaštite i spašavanja Tuzlanskog kantona na poplave u 2014. godini“.

- U organizaciji Ministarstva sigurnosti BiH i Agencije za upravljanje u vanrednim situacijama Kraljevine Danske-DEMA, u Neumu je (19.-21.10.2015. godine), održan je seminar na temu „Saradnja sa Agencijom za upravljanje u vanrednim situacijama Kraljevine Danske - DEMA“. Na seminaru su učestvovali predstavnici Ministarstva sigurnosti BiH, FUCZ, Republičke uprave CZ RS i predstavnici KUCZ. Ispred KUCZ Tuzla na seminaru su učestvovali direktor i pomoćnik direktora uprave. Direktor KUCZ održao je prezentaciju na temu: „Odbrana od poplava i uloga CZ FBiH tokom poplava“.

- Centar za ekologiju i energiju Tuzla u saradnji sa Fondacijom Heinrich Böll Stiftung i Gradom Tuzla, organizovali su okrugli sto pod naslovom „Šta mogu uraditi lokalne zajednice na smanjenju klimatskih promjena i zagađenja zraka“. Skup je održan u sali Doma penzionera u Tuzli, dana 03.11.2015. godine, na kojem su učesnici iz različitih oblasti diskutovali o važnim energetske pitanjima, postignutim rezultatima i planiranim aktivnostima na polju energetske efikasnosti, saobraćaja i širenja mreže daljinskog grijanja, a sve sa ciljem doprinosa održivoj energetske budućnosti i čistijem zraku u TK i BiH. Na okruglom stolu su prisustvovali direktor KUCZ i pomoćnik direktora, a direktor KUCZ je prezentirao i temu „Posljedice klimatskih promjena i zaštita i spašavanje“.

- U organizaciji Ministarstva sigurnosti BiH i Misije OEBS-a, u Sarajevu je (13.11.2015. godine), održan okrugli sto na temu „Uvođenje jedinstvenog evropskog broja za hitne situacije 112 u Bosni i Hercegovini“. Na seminaru su učestvovali predstavnici Ministarstva sigurnosti BiH, FUCZ, Republičke uprave CZ RS, Distrikta Brčko i predstavnici KUCZ sa područja Federacije BiH. Ispred KUCZ Tuzla na okruglom stolu je učestvovao direktor Uprave.

- Na poziv premijera Vlade Hercegbosanske županije-zapovjednika stožera civilne zaštite županije i kolega iz županijske uprave civilne zaštite, direktor Uprave je učestvovao u obuci općinskih i Županijskog stožera civilne zaštite, koja je održana 30.11.2015. godine u Livnu.

- Direktor Uprave je učestvovao u obuci Općinskog štaba civilne zaštite Srebrenik, koja je održana 27.05.2015. godine u Srebreniku.

- U organizaciji Ministarstva sigurnosti BiH, u Sarajevu je 02.12.2015. godine, održana treća konferencija „Platforma za smanjenje rizika od katastrofa Bosne i Hercegovine“, na temu požari. Ispred KUCZ na konferenciji su učestvovali direktor KUCZ i pomoćnik direktora.

- U organizaciji EU Programa za oporavak od poplava, u Doboju je 03.12.2015. godine održana radionica „Detaljna procjena rizika od poplava i klizišta za urbana područja Tuzle i Doboja“. Ispred KUCZ na radionici su učestvovali direktor KUCZ i pomoćnik direktora.
- Stručni savjetnik za zaštitu i spašavanje u KUCZ prisustvovao je okruglom stolu na temu „Nacionalni plan smanjenja emisija (NERP)“, koji je u organizaciji USAID-a, Ministarstva vanjske trgovine i ekonomskih odnosa BiH i Termoelektrane Tuzla, kao domaćina, održan dana 10.12.2015. godine, u okviru projekta Investiranje u sektor energije (EIA).
- U periodu od 09. do 11. decembra, u Mostaru je održana obuka na temu „Upravljanje rizicima od katastrofa za kantonalne uprave civilne zaštite“. Glavni pokrovitelj obuke bio je UNDP, a predavači su bile certificirane osobe iz FUCZ. Ispred KUCZ Tuzla, obuci su prisustvovali sekretar Uprave, pomoćnik direktora i stručni savjetnik.
- U organizaciji Ministarstva sigurnosti BiH i OESS-a u BiH održana je višednevna obuka rukovodnih struktura institucija Bosne i Hercegovine pod nazivom „Obuka iz oblasti sigurnosnih politika“. Obuka je obavljena krajem novembra i početkom decembra u Hotelu „Crystal“ Ilidža u Sarajevu. Dana 09.12.2016. godine u obuci je učestvovao i direktor KUCZ i prezentirao temu „Spremnost društva da odgovori na prirodne i druge katastrofe“.
- U organizaciji KUCZ dana 25.03.2015. godine izvršena je obuka novog saziva Kantonalnog štaba civilne zaštite.
- U organizaciji KUCZ dana 21.09.2015.godine izvršena je obuka novog saziva Kantonalne komisije za procjenu šteta.

13. Mjere zaštite i spašavanja

U skladu sa odredbama Zakona o zaštiti i spašavanju u Federaciji BiH, strukture civilne zaštite planiraju, koordiniraju i poduzimaju aktivnosti u okviru slijedećih mjera zaštite i spašavanja: Sklanjanje ljudi i materijalnih dobara, evakuacija, zbrinjavanje ugroženih i stradalih, zamračivanje, zaštita i spašavanje od radioloških, hemijskih i bioloških sredstava, zaštita i spašavanje od rušenja, zaštita i spašavanje na vodi i pod vodom, zaštita i spašavanje od požara, zaštita od neeksplozivnih ubojitih sredstava, prva medicinska pomoć, zaštita i spašavanje životinja i namirnica životinjskog porijekla, asanacija terena, zaštita okolice, zaštita i spašavanje u rudnicima i zaštita bilja i biljnih proizvoda.

U ovom Izveštaju su obrađene samo one mjere zaštite i spašavanja u vezi kojih je ostvarena konkretna aktivnost.

13.1 Evakuacija

Tokom 2015. godine, uslijed djelovanja klizišta i slijeganja tla, na području TK, izvršena je evakuacija u pet općina. Najviše osoba evakuisano je u općini Gradačac (18 porodica sa 52 člana), zatim slijedi Kalesija (11 porodica sa 37 članova), Čelić (dvije porodice), Srebrenik (dvije porodice) i Gračanica (jedna porodica).

Zbog visokog nivoa vode i bojazni od plavljenja objekta za stanovanje, na jezeru Površinskog kopa Čajići-Dubrave, izvršena evakuacija jedne porodice, u općini Tuzla.

Sva evakuisana lica privremeno su bila zbrinuta kod rodbine, komšija i prijatelja.

13.2 Zaštita i spašavanje od požara

U 2015. godini na području Tuzlanskog kantona zabilježen je 961 požar, što je na nivou predhodnih godina (2013. i 2014.). Najviše požara je registrovano u mjesecu martu (125), dok su po učestalosti najznačajniji bili požari na niskom rastinju (249).

Općina Mjesec														
	Banovići	Čelić	Doboj Istok	Gračanica	Gradačac	Kalesija	Kladanj	Lukavac	Sapna	Srebrenik	Teočak	Tuzla	Živinice	Ukupno:
Januar	9	-	1	6	2	1	-	10	-	2	-	36	7	74
Februar	4	-	-	8	-	1	-	12	-	3	-	38	3	69
Mart	13	-	-	18	3	3	-	19	-	9	-	43	9	117
April	17	-	-	8	3	5	2	15	2	12	2	50	9	125
Maj	4	-	-	4	5	4	-	7	-	4	-	23	1	52
Juni	2	-	-	2	1	-	2	3	-	4	-	5	2	21
Juli	12	-	-	13	13	5	2	31	4	3	-	28	6	117
August	14	-	1	22	10	5	2	8	1	15	5	25	12	120
Septembar	11	-	2	4	3	8	4	13	-	6	-	19	5	75
Oktoibar	-	-	-	5	3	-	1	8	-	2	-	10	7	36
Novembar	6	-	1	11	2	8	-	18	5	5	-	32	6	94
Decembar	13	-	-	15	4	-	2	6	-	4	1	14	2	61
Ukupno:	105	0	5	116	49	40	15	150	12	69	8	323	69	961

Tabela 5 - Pregled registrovanih požara u općinama TK u 2015. godini

Značajniji požari u 2015. godini

- Dana 18.01.2015. godine, u požaru koji je zahvatio stambeni objekat u zaseoku Lipovac-Smrekovac, općina Lukavac, smrtno je stradao stariji muškarac iz Puračića.

- U MZ Bilalići-Uzunovići, općina Teočak, dana 04.08.2015. godine, došlo je do požara na stambenom objektu u kojem je jedna osoba smrtno stradala. Požar su ugasili pripadnici policijske stanice Teočak, uposlenici općine Teočak i građani.

- Dana 11.08.2015. godine, u općini Kalesija, naselje Gojčin, u potpunosti je izgorio pomoćni objekat sa 1000 bala sijena i radionica sa poljoprivrednim mašinama. Požar je lokalizovala i ugasila Vatrogasna jedinica iz Kalesije.

- Dana 24.09.2015. godine, također, u općini Kalesija došlo je do pojave sedam požara na području naselja Gojčin i Jelovo Brdo. Radilo se o požarima koji su izazvani ljudskim faktorom. U požaru je zapaljen jedan pomoćni objekat (šupa), sijeno, šadrvan, autobus, čardak i drva za ogrijev. Sve požare su lokalizovali i ugasili pripadnici PVJ Kalesija.

- Na području općine Srebrenik, dana 03.12.2015. godine, izbio je požara na privatnoj farmi koza u naselju Gornji Hrgovi, MZ Špionica, u kojem je u potpunosti izgorio objekat farme. Požar je gasila Profesionalna vatrogasna jedinica iz Srebrenika a pomoć u lokaliziranju i gašenju požara pružila je i VJ Brčko Distrikta.

- Dana 27.12.2015. godine, na području Općine Teočak, na lokalitetu Cerika, došlo je do požara koji je zahvatio 250 dunuma niskog rastinja i visoke šume cera i hrasta, kao i veće površine zasađenih voćnjaka. Požar su ugasili uposlenici općine Teočak, pripadnici policijske stanice i mještani naselja Sniježnica.

- Smrtno je stradala muška osoba u požaru koji je izbio dana 31.12.2015. godine, u stambenom objektu u naselju Dubošnica, općina Lukavac. Požar je lokalizovala i ugasila Profesionalna vatrogasna jedinica Lukavac.

Svi ostali registrovani požari, bili su manjeg intenziteta. Efikasnom intervencijom vatrogasnih jedinica požari su brzo lokalizovani, a zatim i ugašeni.

Načelno se može konstatovati da postojeće snage za gašenje požara u općinama mogu efikasno djelovati u slučaju požara manjeg do srednjeg intenziteta, a u slučaju istovremenog izbijanja većih požara u više općina, postojeće snage su nedovoljne, kako zbog nedovoljnog broja vozila za gašenje požara i druge vatrogasne opreme, tako i zbog nedovoljnog broja profesionalnih vatrogasaca.

U okviru međuentitetske saradnje ostvarena je dobra saradnja u oblasti protivpožarne zaštite, između općina Gračanica i Petrovo u RS.

U Tabeli 6 dat je pregled registrovanih požara po vrstama tokom 2015. godine. U posljednje tri godine evidentno je smanjenje broja požara.

Vrsta požara	Mjesec												Ukupno:
	Januar	Februar	Mart	April	Maj	Juni	Juli	Avugst	Septembar	Oktobar	Novembar	Decembar	
Stambeni objekti	15	7	15	12	7	3	6	12	7	4	13	10	111
Poslovni objekti	1	3	4	4	4		4	1	-	1	1	3	26
Sportski objekti	1	-	0	-	-		-	-	1	-	0	-	2
Industrijski objekti	-	-	0	-	-		3	1	2	-	0	1	7
Pomoćni objekti	7	3	5	5	3	4	8	12	10	6	3	4	70
Infrastrukturni objekti	2	1	2	-	1	1	-	-	1	-	0	1	9
Šumski požari	-	-	10	9	4		13	11	4	-	12	3	66
Nisko rastinje	2	9	27	43	10	2	54	49	25	2	22	4	249
Kontejneri	11	24	35	30	12		1	-	-	2	1	1	117
Dimnjaci	21	8	2	3	2		-	-	-	2	10	11	59
Motorna vozila	8	7	9	5	4	2	2	5	5	9	7	6	69
Sijena, deponije smeća i sl.	6	7	8	14	5	9	26	29	20	10	25	17	176
Ukupno:	74	69	117	125	52	21	117	120	75	36	94	61	961

Tabela 6 - Pregled registrovanih požara po vrstama u 2015. godini

Štete od šumskih požara

Prema podacima JP „Šume TK“ d.d. Kladanj, štete od šumskih požara, u periodu 01.01.-31.12.2015. godine, u šumskim gazdinstvima (ŠG) kojima upravlja navedeno JP iznose 29.779,27 KM (ŠG „Konjuh“-1.251,37 KM i ŠG „Sprečko“- 28.528,90 KM). Štete na privatnim šumama procijenjene su na 34.830,60 KM.

Štete od požara na stambenim, poslovnim i pomoćnim objektima nisu procijenjene te nema podataka o visini ovih šteta.

Stanje organizovanosti i zakonske uredenosti protivpožarne zaštite na području TK

Profesionalne vatrogasne jedinice (PVJ) formirane su u općinama: Banovići, Gračanica, Kalesija, Lukavac, Srebrenik, Tuzla i Živinice. Dobrovoljna vatrogasna društava (DVD) formirana su u općinama: Čelić, Kladanj, Lukavac, Srebrenik i Tuzla. I na području općine Gradačac formirana je Vatrogasna jedinica registrovana kao udruženje građana (DVD). U općini Živinice poslove protivpožarne zaštite pored PVJ Živinice, obavlja i Vatrogasna jedinica pravnog lica Rudnika mrkog uglja Đurđevik. Industrijske vatrogasne jedinice pravnog lica obrazovane su još u općini Lukavac (IVJ Sisecam soda i IVJ Gikil) te u općini Tuzla (IVJ Termoelektrana Tuzla). Bez bilo kakvih vlastitih vatrogasnih jedinica su općine: Doboj Istok, Sapna i Teočak.

PVJ su organizacijski u sastavu OSCZ samo u općinama: Banovići, Gračanica, Kalesija, Lukavac, Srebrenik, Tuzla i Živinice.

U sastavu PVJ je 131 vatrogasac, i to: PVJ Banovići-13, PVJ Gračanica-13, PVJ Kalesija-10, PVJ Lukavac-17, PVJ Srebrenik-14, PVJ Tuzla-56 i PVJ Živinice-8.

U sastavu DVD je 57 vatrogasaca i to: DVD Čelić-10, DVD Gradačac-8, DVD Kladanj-5, DVD Puračić-9, DVD Srebrenik-12 i DVD Gornja Tuzla-13.

U sastavu IVJ je 80 vatrogasaca i to: IVJ Sisecam soda-26, IVJ Gikil-26, IVJ Termoelektrana Tuzla-12 i IVJ RMU Đurđevik-16.

13.3. Zaštita i spasavanje od NUS-a

KUCZ je tokom 2015. godine imala jednu od vodećih uloga u svim akcijama koje su vođene na nivou kantona, a odnosile su se na segment zaštite i spašavanja od neeksplozivnih ubojitih sredstava (NUS) na području TK. Svakodnevna saradnja sa općinskim službama civilne zaštite je jedan od osnovnih preduvjeta za blagovremeno i kvalitetno obavljanje redovnih zadataka iz oblasti neutralisanja NUS-a i deminiranja terena na kojima su svakodnevno bili angažirani pripadnici tima civilne zaštite.

Prema podacima koje zajednički evidentiraju Kantonalna uprava i općinske službe civilne zaštite od početka izvođenja humanitarnog deminiranja do danas deminirana je površina terena od 15.195.338,92 m². Međutim, u ovaj ukupni iznos nije uvrštena deminirana površina na tzv. IPA projektima koji su rađeni metodom „ciljanog tehničkog izviđanja“. Računajući ove projekte za koje nisu izdati validni certifikati ukupna deminirana površina na području TK iznosi oko 22 miliona metara kvadratnih.

U ovom izvještaju su dati samo najvažniji podaci ostvareni u 2015. godini jer su detaljni podaci prezentirani u Informaciji o rezultatima deminiranja i uklanjanja NUS-a na području Tuzlanskog kantona u 2015. godini koju je razmatrala i usvojila Vlada i Skupština Tuzlanskog kantona.

13.3.1. Tim civilne zaštite za deminiranje i uklanjanje NUS-a

Početkom godine, nastavljen je Program deminiranja 2015. godine u Federaciji BiH - Faza XVII, kojom su obezbjeđeni neophodni uvjeti za nastavak rada timova civilne zaštite za deminiranje i uklanjanje NUS-a, sa području FBiH.

Na području Tuzlanskog kantona poslove deminiranja i uklanjanja NUS-a obavljali su timovi Federalne uprave civilne zaštite za deminiranje i uklanjanje NUS-a uz koordiniranje svih ovih aktivnosti od strane Kantonalne uprave CZ Tuzla i tijesnu saradnju sa općinskim/gradskim službama CZ i Regionalnim uredom BHMACH-a iz Tuzle.

Rezultati na uklanjanju NUS-a

Poslovi pronalaženja, prikupljanja, prevoženja i uništavanja minsko-eksplozivnih i neeksplozivnih ubojitih sredstava po zahtjevu općinskih službi civilne zaštite su, kao i ranije, obilježili cijeli tok izvještajnog perioda. Ove poslove na području TK, obavlja „A“ - tim civilne zaštite kojeg čine četiri pripadnika koji posjeduju sve odgovarajuće certifikate za rad sa neeksplozivnim ubojitim sredstvima i opremljeni su svom neophodnom opremom i sredstvima za rad.

Sva prikupljena minsko-eksplozivna i neeksplozivna ubojna sredstva uništavala su se na licu mjesta (ako su to okolnosti dozvoljavale) ili se uništavanje vršilo na nekom od improviziranih poligona uz odgovarajuću saglasnost lokalnih organa vlasti.

Skladištenje radne eksplozivne materije riješeno je zahvaljujući razumijevanju organa vlasti općine Banovići u prostorijama unutar kruga Rudnika mrkog uglja Banovići, a kojima sada gazduje OSCZ.

U toku izvještajnog perioda pripadnici tima su odradili 310 zadataka koji su se odnosili na iskopavanje, preuzimanje, transport, privremeno skladištenje i uništavanja istog. Kao period sa najintenzivnijim prikupljanjem NUS-a i dalje se može izdvojiti proljeće i jesen kada stanovništvo najviše vremena provodi obrađujuću zemljište i pribavlja ogrevno drvo.

Ukupno je prikupljen i uništeno: 7.165 komada sitne i krupne municije, 450 ručnih bombi, 90 projektila, 58 pješadijskih i tenkovskih mina, 103 tromblona, 6 raketa, 94 upaljača, 9 avio i kasetnih bombi i 102 okvira za municiju. U 2015. godini prikupljeno je i uništeno i 8,54 kg eksploziva i 9.860 komada pirotehničkih sredstava.

Od osnivanja tima neutralisano je 475.260 komada NUS-a i 1.187,09 kg raznih vrsta eksploziva.

Rezultati na deminiranju

Ove poslove na području TK, obavlja „B“ - tim civilne zaštite, koju se po formaciji sastoji od 10 pripadnika koji posjeduju potrebne certifikate za rad sa neeksplozivnim ubojitim sredstvima i opremljeni su svom neophodnom opremom i sredstvima za rad. Izvorna zadaća ovoga tima je pregled i čišćenje vitalnih objekata i poljoprivrednog zemljišta, čime se obezbjeđuju uvjeti za održivi povratak izbjeglog i raseljenog stanovništva, na području TK.

Tokom deminerske sezone 2015. godine, na području TK, pored tima „B“ Tuzla ostvaren je značajan angažman i deminerskih timova iz drugih kantona sa područja F BiH. Završena su 3 projekta u Kalesiji i jedan u Gradačcu ukupne kvadrature 208.425,90 m². Tehnikom čišćenja odnosno tehnikom tehničkog izviđanja deminirana su po dva projekta.

13.3.2 Rezultati deminerskih timova Oružanih snaga BiH

Za razliku od prethodnih godina, timovi OS BiH su tokom 2015. godine na području TK imali do sada najmanji angažman na projektima deminiranja.

Tokom deminerske sezone 2015. godine, deminerski timovi OS BiH bili su angažirani na području općina Gradačac i Tuzla, na kojima su se mogli angažirati svi kapaciteti OS BiH. Na području općine Tuzla završen je projekat „Kužići 2, kasetna municija“ ukupne kvadrature 98.425,00 m². Na općini Gradačac započeti su radovi na dva projekta koji nisu završeni i predati do kraja godine.

13.3.3 Donatorsko deminiranje

Kao i svih prethodnih godina deminiranje u najvećoj mjeri ovisi od donatorskih sredstava koja se direktno ili preko Međunarodnog fonda za deminiranje i pomoć žrtvama od mina (ITF) implementiraju u BiH. Najveći donatori su Vlade SAD, Njemačke, Norveške, Japana i dr.

Ukupno je deminirano 11 projekata od čega tehnikom čišćenja sedam a ostali su deminirani tehnikom tehničkog izviđanja ukupne kvadrature 456.581,03 m². Deminiranje je vršeno na općinama Gradačac, Kalesija, Lukavac i Živinice. Deminiranje su obavili demineri profesionalnih deminerskih kompanija: Pro Vita, Pazi mine, Amfibija, NN Ivša, Detektor, Dok Ing i Demira.

13.3.4 Ukupni rezultati deminiranja

Tokom deminerske sezone 2015. godine okončano je 16 projekata, a 3 su prekinuta i biće nastavljena početkom naredne deminerske sezone. Uz primjenu klasičnih metoda deminiranja (čišćenje i tehničko izviđanje) ukupno su deminirane površine kvadrature 763.432,77 m².

13.3.5 Deminiranje na IPA projektima („Ciljano tehničko izviđanje“)

Sredinom 2014. godine na području BiH je započela realizacija aktivnosti u sklopu implementacije IPA 2011 „Land Release“ projekata (vraćanje površine korisnicima), koji su finansijski podržani od strane Delegacije Evropske unije u Bosni i Hercegovini.

Krajem 2015. godine započeta je realizacija još jednog projekta ove vrste i to na području općine Čelić. Metodom „ciljano tehničko izviđanje“ planirano je da se tretira površina terena od 6,77 km². Primjenom ove metode deminiranja omogućava se pregled-tretiranje veoma velikih površina terena koje su projektom dokumentacijom obrađene kao rizična površina. I ovaj projekat je u završnoj fazi realizacije.

Nažalost, neusklađena i nedefinisana zakonska regulativa onemogućava izdavanje validnih uvjerenja-certifikata o deminiranoj površini. Ovaj problem ostaje i dalje neriješen, a u isključivoj je nadležnosti BHMACH-a. Na području TK do sada su okončana dva takva projekta, a u završnoj fazi je još jedan. Primjenom ove metode tretirana je površina terena od oko 9 km².

Izvođači deminerskih radova na ovim projektima bili su pripadnici deminerske kompanije „Demira“ i Federalna uprava civilne zaštite. Regionalni ured BHMACH-a iz Tuzle je sa svojim

kadrovima davao podršku i bio zadužen za praćenje realizacije projekta. Prema njihovom mišljenju, „Land Release“ projekti imaju smisla i predstavljaju korak naprijed za izviđanje i čišćenje minski rizičnih površina u BiH jer su isti „najsigurniji način za čišćenje površina od mina i ESZR u najkraćem vremenu i uz najprikladnije troškove“.

13.3.6 Obilježavanje minskih polja

Pored trajnog i polutrajnog obilježavanja sumnjivih površina u sklopu projekata koji su bili predmet izvođenja deminerskih radova, ove godine nije bilo većih projekata iz Programa upozoravanje na mine. Kao i ranijih godina, svakodnevno se vrši hitno obilježavanje sumnjivih površina koje su izvodili predstavnici RU BHMACH-a i pripadnici tima civilne zaštite za deminiranje i uklanjanje NUS-a.

13.3.7 Čišćenje u ratu porušenih kuća

Temeljem planiranih aktivnosti o angažiranju Mašinskog tima civilne zaštite, na poslovima uklanjanja ostataka ruševina, na objektima van minskih polja, isti bio angažiran na području općine Sapna. Tokom izvođenja navedenih operacija, pripadnici tima su izvršili rušenje i čišćenje 9 stambenih objekata. U pružanju pomoći pripadnicima PLANT tima bili su angažirani predstavnici FUCZ i KUCZ, te općinske službe civilne zaštite Sapna i lokalni organi vlasti. Od 2003. godine, kada bilježimo prvi dolazak ovoga tima na TK, očišćena su 193 objekta i pružena potpora u procesu deminiranja.

13.4 Prva medicinska pomoć

Prema podacima Zavoda za javno zdravstvo TK, u periodu od 01.01.2015. do 31.12.2015. godine, prijavljeno je, na području 13 općina TK, ukupno 2.882 slučaja oboljevanja od zaraznih i parazitarnih bolesti na pojedinačnim prijavama.

Vodeće bolesti, prema pojedinačnim prijavama, bile su: Varicella-1131 slučaj, Morbili-1035 slučaja, Enterocolitis-990 slučajeva, TBC activa-220 slučaja, Nosokomial infections-215 slučajeva, Scabies-199 slučajeva, Herpes zoster-80 slučajeva, Angina streptococcica-73 i Scarlatina-61 slučaj.

Prijavljene su tri epidemije zaraznih bolesti:

Dg: Enterocolitis ac (A 09), općine Gradačanica i Živinice.

Dg: Toxiinfectio alimentaris (A 05), općina Tuzla.

Prijavljen je 21 slučaj smrti od zaraznih bolesti i to: Dg. Tuberculosis pulmo (A 15)-13 slučajeva smrti (Banovići-3, Tuzla-3, Živinice-2, Gračanica, Gradačac, Lukavac i Srebrenik, Kladanj po jedan smrtni slučaj), Dg. Influenza pdm 09 H1N1 (J11)-6 slučajeva smrti (Banovići, Gračanica, Kalesija, Gradačac, Srebrenik i Lukavac), Dg. Enterotolitis ac. (A09)-jedan smrtni slučaj (općina Tuzla), Dg. Sepsis (A41)-jedan smrtni slučaj (općina Lukavac).

13.5 Zaštita i spašavanje životinja i namirnica životinjskog porijekla

Prema izvještaju Zavoda za veterinarstvo Tuzla, na području TK, na osnovu izvršenog dijagnostičkog ispitivanja uzoraka krvi životinja, registrovana su, ukupno 73 pozitivna nalaza na brucelozu (RVK test-Veterinarski fakultet Sarajevo) i to: 58 ovaca, 6 krava i 9 koza.

Pregled pozitivnih nalaza uzoraka krvi životinja po općinama: Gračanica-3, Kalesija-3, Srebrenik-38, Tuzla-12 i Živinice-17.

U općinama Kladanj i Tuzla, registrovano je ukupno 9 oboljelih životinja (konji) od „Infektivne anemije kopitara“. Radi se o grlima u privatnom vlasništvu, koje se koriste u eksploataciji drveta za potrebe JP „Šume TK“.

Na području TK, registrovana je zarazna bolest pčela Američka gnjiloća legla (*Pepsis apium*), gdje je ukupno bilo oboljelo 30 pčelinjih društava, u općinama: Kalesija-9, Teočak-6, Tuzla-6 i Živinice-9

Na području općine Kladanj, u MZ Stupari, u mjesecu septembru, registrovan je napad pasa lualica na stado ovaca, prilikom čega je stradalo 11 životinja.

13.6 Asanacija terena

Na području općine Kladanj izvršeno ukopavanje stradalih životinja (11 ovaca) uslijed napada pasa lualica, u primjenu propisanih mjera asanacije terena i dezinfekcije. Nadležna općinska služba pružila je pomoć u mehanizaciji i veterinarskom tretmanu prilikom ukopa životinja.

Stočna groblja

Stalne lokacije za stočna groblja, za ukopavanje leševa eutaniziranih životinja, određene su samo u općinama Kalesija i Sapna (data suglasnost Ministarstva poljoprivrede, vodoprivrede i šumarstva TK). U općinama: Gračanica, Lukavac, Tuzla i Kladanj određene su privremene lokacije za stočna groblja (nije data suglasnost nadležnog kantonalnog ministarstva).

U ostalim općinama nije određena lokacija za stočno groblje, a leševi životinja se ukopavaju na privatnim parcelama vlasnika životinja, uz prethodnu saglasnost nadležnih organa.

13.7 Zaštita okoliša

Klizišta

Na prijedlog OŠCZ Načelnik općine Gradačac je dana 17.02.2015. godine, donio Odluku o proglašenju stanja prirodne nesreće od klizanja zemljišta.

Razlog donošenja Odluke bila je pojava velikog broja klizišta na području ove općine, te ugrožavanje imovine ljudi i ostalih materijalnih dobara. Najteže su bile pogođene MZ: Kerep, Međida Srednja i Gornja, Zelinja Gornja, Donja i Srednja, Jelovče Selo, Jasenica, Mionica, Centar, Rajska, Novalići i Bukva. Prema podacima OSCZ Gradačac preliminarne štete, uslijed djelovanja klizišta i odrona, iznosile su 2.987.339,60 KM. Tek dana 08.06.2015. godine, nakon normalizacije stanja u vezi klizanja zemljišta, Načelnik općine proglasio je prestanak stanja prirodne nesreće. Konačna šteta na području ove općine izazvana djelovanjem klizišta, procjenjena od strane Općinske komisije za procjenu šteta, bila je 5.922.533,00 KM.

U ostalim općinama nije proglašavano stanje prirodne nesreće uslijed klizanja i pomjeranja tla.

Po prijedlozima svojih OŠCZ i Gradskog štaba civilne zaštite Tuzla, Načelnici općina Gračanica i Lukavac, kao i Gradonačelnik grada Tuzle, su u mjesecu martu, donijeli Odluke o proglašenju stanja neposredne opasnosti od klizanja zemljišta. Razlog donošenja ovih Odluka je pokretanje velikog broja klizišta i odrona, na području pomenutih općina i grada Tuzle, te ugrožavanje imovine ljudi i ostalih materijalnih dobara.

U izvještajnom periodu klizišta su bila aktivirana na području svih 13 općina TK, i to: Banovići (25), Čelić (85), Doboj Istok (26), Gračanica (96), Gradačac (271), Kalesija (78), Kladanj (26), Lukavac (36), Sapna (37), Srebrenik (105), Teočak (33), Tuzla (31) i Živinice (2).

Aktivirano je ukupno 851 klizište (549 novih i 302 starih klizišta).

Ugroženo je bilo: 220 stambenih objekata, 214 pomoćnih objekata, 2 magistralna puta (M-18 i M-19), 4 regionalna puta, 67 lokalnih puteva, 3 privredna objekta, 315 parcela poljoprivrednog zemljišta, 24 vjerska objekta, 7 školskih objekata, 14 infrastrukturnih objekata, 16 lokalnih vodovoda i 11 mezarja.

Oštećeno je bilo: 66 stambenih objekata, 91 pomoćni objekat, jedan magistralni put (M-18), 2 regionalna puta, 24 lokalna puta, 23 infrastrukturna objekta, 136 parcela poljoprivrednog zemljišta, 4 školska objekta, 6 lokalnih vodovoda, 19 mezarja i 15 voćnjaka.

Na osnovu podataka pristiglih iz OSCZ sanirano je ukupno 33 klizišta, u općinama: Doboj Istok-2, Gračanica-1, Kladanj-12 i dva riječna korita, Lukavac-12 i Teočak-7.

Poplave

Martovske poplave

U toku noći između 02.03. i 03.03.2015. godine, uslijed obilne kiše praćene jakim vjetrom došlo je do izlivanja lokalnih vodotoka na području općine Doboj Istok. Poplavljeno je oko 5 ha poljoprivrednog zemljišta. Istog dana, na području općine Gračanica, došlo je do izlivanja rijeke Spreče gdje je poplavljeno 10 ha poljoprivrednog zemljišta u priobalnom dijelu.

Dana 07.03.2015. godine, vodostaj rijeke Spreče na mjernom mjestu Karanovac, u općini Gračanica, iznosio je 361 cm (visina vodostaja kada se preduzimaju mjere odbrane od poplava 300 cm). Rijeka Spreča se izlila i poplavila oko 60 ha poljoprivrednog zemljišta u Gračanici i 50 ha u općini Doboj Istok. Na osnovu dostavljenih izvještaja od OSCZ Gračanica, rijeka Spreča se tek tokom posljednje sedmice mjeseca marta potpuno povukla u svoje korito.

Zbog visokog vodostaja rijeke Spreče ispod nadvožnjaka, putna komunikacija Kalesija-Gojčin bila je, u dane 13. i 14. 03.2015. godine, u prekidu. Saobraćaj se odvijao alternativnim pravcem preko pružnog prelaza za Prnjavor.

Aprilske poplave

U dane 30.03. i 01.04.2015. godine, uslijed obilnih kišnih padavina došlo je do izlivanja lokalnih vodotoka na području općine Gračanica. Nivo rijeke Spreče na mjernom mjestu Karanovac iznosio je 320 cm (300 cm kritična tačka kada se preduzimaju redovne odbrane od poplava). Rijeka Spreča se izlila iz korita i poplavila oko 40 ha priobalnog poljoprivrednog zemljišta, na području ove općine.

Dana 28.04.2015. godine, područje općine Doboj Istok, zahvatile su obimne kišne padavine, koje su uzrokovale nagli porast nivoa lokalnih vodotoka i pojavu bujica, što je za posljedicu imalo plavljenje 40 stambenih, jednog privrednog i jednog školskog objekta.

U vodenom okruženju našlo se i više pomoćnih objekata u naselju Klokočnica. Bujice su oštetile brojne putne komunikacije i nanijele štetu na poljoprivrednim i drugim parcelama.

Načelnik ove općine je dana 29.04.2015. godine, na prijedlog OŠCZ donio Odluku o proglašenju stanja prirodne nesreće uslijed poplava, na dijelu općine Doboj Istok (MZ Klokočnica). Na otklanjanju posljedica uslijed poplava angažovane su službe zaštite i spašavanja, građevinske mašine te građani i mještani u pomenutom naselju.

Dana 11.05.2015. godine, na području općine Doboj Istok, uslijed povlačenja vode u korita proglašen je prestanak stanja prirodne nesreće uslijed poplava. Procjenjena šteta od strane općinske komisije za procjenu šteta iznosila je 355.759,95 KM.

Majske poplave

U dane 25. i 26.05.2015. godine, uslijed obilnih kišnih padavina došlo je do izlivanja lokalnih vodotoka na području općine Gračanica. Nivo rijeke Spreče na mjernom mjestu Karanovac iznosio je 305 cm (300 cm kritična tačka kada se preduzimaju redovne odbrane od poplava). Rijeka Spreča se izlila iz korita i poplavila oko 15 ha priobalnog poljoprivrednog zemljišta, na području ove općine.

Na području općine Doboj Istok rijeka Spreča se izlila i poplavila oko 15 hektara zemljišta na prostoru između korita rijeke Spreče i magistralnog puta M4 Doboj-Tuzla. U naselju Luke, MZ Klokočnica, u vodenom okruženju bila su tri stambena objekta.

Prolomi oblaka

Dana 14.06.2015. godine, prolom oblaka praćen gradom zahvatilo je šire područje grada Tuzle. Prijavljena su oštećenja na krovovima stambenih kuća u više naselja. Jak vjetar je na više lokacija polomio stabla, koja su oštetila krovove stambenih objekata i više vozila. U naseljima Krojčica i Mramorski potok došlo je do bujičnog plavljenja nekoliko stambenih objekata.

Dana 15.06.2015. godine, i u općini Srebrenik prijavljene su štete na na poljoprivrednim usjevima u naseljima Jasenica i Podorašje uslijed grada (leda).

Dana 02.08.2015. godine, područje općine Kalesija (MZ: Dubrave, Vukovije, Tojšići, Kikači i Hrasno), zahvatio je prolom oblaka praćen jakim vjetrom i gradom. Štete uslijed jakog vjetra i grada najviše su se odrazile na poljoprivredne usjeve, a registrovane su i na voćarstvu, stambeno poslovnim objektima, kao i na putnim komunikacija.

Kvalitet zraka-prekomjerno zagađenje

Novembar

Prema izvještaju Ministarstva za prostorno uređenje i zaštitu okolice TK, kvalitet zraka u mjesecu novembru odgovarao je kvalitetu prekomjerno zagađenog zraka za 10 dana, i to na lokalitetima: BKC, Cerik i Skver (u općini Tuzla) i Lukavac.

Decembar

U mjesecu decembru prekomjerno zagađenje zraka registrovano je čak 21 dan, i to na lokalitetima: BKC, Bukinje i Skver (u općini Tuzla) i Lukavac.

Zbog povećanih koncentracija sumpordioksida u zraku, koje su na području nekih općina Tuzlanskog kantona početkom mjeseca decembra prelazile vrijednosti dozvoljene zakonskom regulativom, iz Ministarstva zdravstva TK i Zavoda za javno zdravstvo TK, oglasili su se preporukama za građane.

U danima povećane koncentracije zagađujućih čestica u zraku, građanima se ne preporučuje duži boravak na otvorenom. Ukoliko je kretanje napolju neophodno, preporučuje se disanje isključivo na nos, te korišćenje zaštite u vidu šala ili marame za prekrivanje usta i nosa.

Sniježne padavine

Područje Tuzlanskog kantona zahvaćeno je u dane 04. i 05.03.2015. godine, obilnim sniježnim padavinama, te se u vrlo kratkom vremenskom periodu formirao visoki sniježni pokrivač, koji je na području nekih općina dostizao visinu i do 50 cm, a u općini Kladanj i do 80 cm. Posebno je bilo teško stanje u visinskim dijelovima općina Kladanj, Banovići i Čelić, gdje je saobraćaj bio vrlo otežan i pored brze intervencije službi za održavanje puteva.

Dana 06.03.2015.godine, na prijedlog OŠCZ Kladanj, Općinski načelnik je donio Odluku o proglašenju stanja prirodne nesreće uslijed sniježnih padavina. Snijeg je „paralisao“ općinu Kladanj a obustavljen je saobraćaj na gotovo svim lokalnim putevima. Bila je obustavljena i nastava u osnovnim i srednjoj školi. Mjesne zajednice: Turalići, Tuholj, Starić, Brateljevići i Gojsalići bile su bez napajanja električne energije. Putevi na području ove općine bili su prohodni tek dana 09.03.2015. godine.

Općina Čelić je bila bez napajanja električnom energijom zbog kvara na dalekovodu. Bez napajanja su bila: naselja Cerik i Lameši u općini Srebrenik kao i Musići i Banovići Selo u općini Banovići.

Na području ostalih općina Tuzlanskog kantona registrovani su manjih problemi uslijed pucanja električnih kablova na prenosnoj mreži, pod težinom sniježnog pokrivača.

Dana 17.04.2015. godine, na području općine Kladanj proglašen je prestanak stanja prirodne nesreće uslijed sniježnih padavina. Procjenjena šteta od strane općinske komisije za procjenu šteta iznosila je 708.318, 82 KM.

Zimsko održavanje puteva

U svim općinama TK izvršene su, u toku novembra i decembra 2015. godine, odgovarajuće pripreme za zimsko održavanje gradskih ulica, lokalnih kategorisanih i drugih nekategorisanih puteva, u nadležnosti općina za zimsku sezonu 2015./2016. godina. U većini općina potpisani su ugovori sa firmama koje će obavljati ove poslove u zimskom periodu. Obezbeđena je odgovarajuća mehanizacija, posipni materijal i pogonsko gorivo.

OSCZ su izvršile neophodne pripreme za angažiranje ljudstva i MTS, u vlasništvu građana, posebno u seoskim MZ, u slučaju većih snježnih padavina, kada redovno angažirane snage ne bi mogle obezbijediti prohodnost puteva.

Javno preduzeće „Ceste Federacije BiH, Sarajevo i Regionalna direkcija cesta Tuzla, obavili su sve neophodne pripreme za održavanje magistralnih i regionalnih puteva, na području TK i potpisali ugovore sa odgovarajućim firmama za održavanje navedenih puteva, u zimskoj sezoni 2015./2016. godina.

Firme koje su zadužene za održavanje puteva u zimskom periodu, obavile su poslove na zadovoljavajući način tako da su svi regionalni, magistralni i važniji lokalni putevi bili prohodni, te nije bilo prekida u odvijanju saobraćaja.

13.8 Ostalo

Nesreća u rudnicima

U večernjim satima dana 21.02.2015. godine, uslijed obrušavanja zemljane mase (otkrivke) na površinskom kopu rudnika „Dubrave“, došlo je do zatrpavanja i smrtnog stradanja četiri osobe, koje su vršile nedozvoljeno prikupljanja uglja. Istu noć tijelo jedne osoba i jedan traktor su bili izvučeni.

Pripadnici čete za zaštitu i spašavanje u rudniku vršili su iskopavanje i sutradan, dok nisu pronašli tijela ostalih nastradalih.

Pokrenuta je istraga o ovoj nesreći, a na licu mjesta nalazili bili su: menadžment rudnika, četa za spašavanje rudnika Dubrave, Federalna rudarska inspekcija, dežurni tužitelj, Ministar MUP-a TK i pripadnici Ministarstva unutrašnjih poslova TK.

Potresi

Dana 17.02.2015. godine, na području općina Kalesija i Sapna, osjetio se lakši potres jačine 3,2 stepena po Richterovoj skali sa epicentrom kod naselja Jajići, na području općine Kalesija. Nije bilo materijalne štete ni drugih posljedica.

Dana 22.02.2015. godine, u večernjim satima, na području općina Kalesija ponovo se osjetio lakši potres, jačine 3,3 stepena po Richterovoj skali sa epicentrom istočno od naselja Tojšići. Zemljotres se osjetio i na području ostalih općina Tuzlanskog kantona.

Utapanje

Dana 13.05.2015. godine, na području općine Kalesija, poslije pada u rijeku Spreču utopio se devetnaestogodišnji mladić. O događaju su obaviješteni OSCZ Kalesija, VJ Kalesija, PS Kalesija i kantonalni tužilac. Tijelo su iz vode izvukli pripadnici Kantonalne službe za spašavanje na vodi i pod vodom iz ronilačkog društva „Vidara“ Gradačac.

Minoincident

Dana 06.07.2015. godine na lokalitetu „Zorin potok“, općina Kladanj, došlo je do eksplozije nepoznate naprave, prilikom čega je teže povrijeđen jedan konj tokom izvoza balvana u ŠG „Konjuh“. Na lice mjesta su izašle ekipe civilne zaštite i veterinarske stanice. Mjesto eksplozije bilo je ranije obilježeno upozoravajućom trakom a o incidentu je obaviješten RU BH MAC Tuzla.

Obuka struktura civilne zaštite

U općini Srebrenik (maj 2015.) održana je obuka u oblasti zaštite i spašavanja na temu „Sistem zaštite i spašavanja ljudi i materijalnih i kulturnih dobara od prirodnih i drugih nesreća“. Obuci su prisustvovali uposlenici OSCZ, rukovodioci službi zaštite i spašavanja, direktori Javnih preduzeća, Javnih ustanova i Pravnih lica. U obuci je sudjelovao i direktor KUCZ sa temom: „Zaštita i spašavanje u F BiH“.

U sklopu obilježavanja manifestacije „Mjesec oktobar - mjesec zaštite od požara“, vatrogasne jedinice na području Tuzlanskog kantona su provele niz aktivnosti po planu i programu u ovom mjesecu.

X Pregled unutrašnje organizacije, kadrovske i materijalne osposobljenosti, kao i potrebe za kadrovskim i materijalnim osposobljavanjem organa i stručnim usavršavanjem državnih službenika i namještenika

Postojeći broj izvršilaca (17) od čega, 11 državnih službenika (4 rukovodeća državna službenika) i 6 namještenika, nije dovoljan za obavljanje poslova koje su definirani u propisima iz ovih oblasti, posebno ako se uzme u obzir da su u Pravilniku o unutrašnjoj organizaciji KUCZ sistematizirani poslovi za 22 izvršioca.

To znači da nedostaje 5 izvršilaca. Nije popunjeno radno mjesto Pomoćnika direktora - rukovodilac sektora za administrativno-tehničke i inspeksijske poslove, Glavni kantonalni inspektor za civilnu zaštitu, zaštitu od požara i vatrogastvo, stručni savjetnik za zaštitu i spašavanje, jedan viši referent za osmatranje i uzbunjivanje i čistačica - kafe kuharica.

Novim Pravilnikom o unutrašnjoj organizaciji KUCZ treba izvršiti racionalizaciju poslova ali svakako je potrebno izvršiti prijem Glavnog kantonalnog inspektora za civilnu zaštitu i prijema još jednog višeg referenta za osmatranje i uzbunjivanje što bi omogućilo svakodnevno obavljanje poslova KOC CZ u tri smjene u skladu sa odredbama Zakona o zaštiti i spašavanju u Federaciji BiH.

Materijalna opremljenost KUCZ, u odnosu na broj zaposlenika, je u okvirima zadovoljavajućeg.

Popunom izvršilaca, posebno u inspeksijskom nadzoru i protupožarnoj zaštiti i vatrogastvu, nametnula se potreba za nabavkom jednog vozila što bi trebalo realizirati u narednom periodu. Rad u upravi, a posebno se to odnosi na zaposlenike koji rade u civilnoj zaštiti, zahtijeva stalno osposobljavanje i stručno usavršavanje. To je i zakonska obaveza, izričito definisana u više propisa iz ovih oblasti. Kako se radi o specifičnostima u vrsti i načinu osposobljavanja, koje zahtijevaju programe obuke i stručne predavače i praktičare, neophodna su i materijalna sredstva (budžetska i iz posebne naknade).

Općinski operativni centri civilne zaštite (OOC CZ) formirani su u općinama: Banovići, Čelić, Gračanica, Gradačac, Kalesija, Kladanj, Srebrenik, Tuzla i Živinice. U navedenim OOC CZ uposlen je po jedan izvršilac, osim u Tuzli, gdje su zaposlena 4 izvršioca - referent za osmatranje i uzbunjivanje.

U općinama: Doboj Istok, Lukavac, Sapna i Teočak još uvijek nisu formirani OOC CZ. Popuna OOC CZ potrebnim brojem izvršilaca, koji obezbjeđuje neprekidan rad u periodu kada je proglašeno stanje prirodne ili druge nesreće, izvršit će se mobilizacijom.

U Federalnom/Kantonalnom timu civilne zaštite za deminiranje i uklanjanje NUS-a, čiji rad direktno nadzire i koordinira KUCZ, bilo je angažirano ukupno 11 pripadnika, 4 pripadnika u A - timu, na prikupljanju i neutralisanju NUS-a i 7 pripadnika u B - timu, na deminiranju objekata infrastrukture, koji su u funkciji zadovoljavanja potreba prognanih i izbjeglih lica. B - tim je planiran da formacijski ima 10 pripadnika ali u 2015. godini su radili u manjem kapaciteu koji je kompeziran uključivanjem pripadnika A - tima kada je trebalo.

KŠCZ, kao operativno-stručni organ Vlade TK, koja je na osnovu inovirane Odluke o osnivanju KŠCZ, donijela Rješenje o postavljenju komandanta, načelnika i članova KŠCZ, ima 13 članova. Navedenom Odlukom je utvrđeno da funkciju stručne službe za potrebe KŠCZ obavlja KUCZ. KŠCZ je u 2015. godini održao 10 redovnih i jednu svečanu sjednicu.


U 2015. godini je formirana nova Kantonalna komisija za procjenu šteta, koja je u okviru svoje Zakonom utvrđene nadležnosti obavljala svoje poslove. Komisija je održala 8 sastanka u 2015. godini a KUCZ je obavljala poslove stručne službe za njene potrebe.

U svim općinama formirani su Općinski štabovi civilne zaštite, kao operativno-stručni organi civilne zaštite u općini, u koje je imenovano ukupno 178 članova, i to: Banovići (15), Čelić (15), Doboj Istok (12), Gračanica (13), Gradačac (13), Kalesija (14), Kladanj (14), Lukavac (17), Sapna (11), Srebrenik (12), Teočak (11), Tuzla (20) i Živinice (11).

OSCZ su formirane kao samostalne općinske službe za upravu u 12 općina, dok su u općini Teočak poslovi civilne zaštite sistematizovani u okviru Službe za privredu, finansije, prostorno uređenje i civilnu zaštitu. Osim općine Tuzla u ostalim općinama nedostaju stručni kadrovi za kvalitetno obavljanje poslova zaštite i spašavanja koji su u nadležnosti općine a utvrđene su Zakonom o zaštiti i spašavanju i Zakonu o zaštiti od požara.

U općinama: Banovići, Gračanica, Kalesija, Lukavac, Srebrenik, Tuzla i Živinice, formirane su u okviru općinske službe civilne zaštite profesionalne vatrogasne jedinice. Općina Živinice je poslove protivpožarne zaštite uredila još i kroz ugovor o pružanju zaštite od požara sa pravnim licem. Općine: Čelić, Gradačac i Kladanj su poslove zaštite od požara uredili sa dobrovoljnim vatrogasnim društvima, što predstavlja samo djelomično rješenje, ali ne i kvalitetno rješenje.

Općine: Doboj Istok, Sapna i Teočak, nemaju osiguranu zaštitu od požara u skladu sa Zakonom o zaštiti od požara i vatrogastvu.



Slika 1- Organizaciona shema Kantonalne uprave civilne zaštite

XI Način ostvarivanja saradnje s federalnim organima, drugim kantonima i njihovim organima, drugim kantonalnim organima, općinama, obdusmenima i dr.

U cilju rješavanja konkretnih problema i poboljšanja međusobne saradnje, direktor i uposlenici KUCZ održali su više sastanaka sa predstavnicima određenih federalnih i kantonalnih ministarstava, drugih federalnih i kantonalnih organa uprave, regionalnog ureda MAC-a Tuzla, Zavoda za javno zdravstvo TK, načelnicima više općina sa područja TK, direktorima privrednih i javnih preduzeća, predstavnicima Oružanih snaga BiH, policijskih uprava, RTV TK, predstavnicima KUCZ sa područja F BiH, predstavnicima organa civilne zaštite iz Republike Srpske i predstavnicima fakulteta Tuzlanskog univerziteta i predstavnicima drugih organizacija i institucija koje su od značaja za zaštitu i spašavanje.

Direktor KUCZ imao je više sastanaka kod Premijera TK, na kojim je razmatrana problematika iz oblasti rada KUCZ i OSCZ, također, je učestvovao sjednicama Vlade TK, na kojim su razmatrani materijali koje je uradila KUCZ, a učestvovao je i na sjednicama radnih tijela i Skupštine TK, na kojim su razmatrani materijali koje je uradila KUCZ.

Predstavnici KUCZ održavali su kontakte sa elektronskim i štampanim medijima, gdje je šira javnost informirana o aktivnostima i rezultatima rada KUCZ i OSCZ, iz oblasti zaštite i spašavanja iz njihove nadležnosti, a naročito o rezultatima deminiranja i prikupljanja i uništavanja NUS-a.

Direktor KUCZ sa saradnicima, bio je u radnim posjetama u više općina, gdje se upoznao sa problematikom u radu OSCZ: realizacija poslova na mjerama zaštite i spašavanja, rad općinskog operativnog centra civilne zaštite, realizacija poslova na izradi planskih dokumenata i pravnih akata iz nadležnosti OSCZ, te organizaciono-tehnički, kadrovski i drugi poslovi iz nadležnosti OSCZ.

Na redovnim sastancima direktora KUCZ sa rukovodiocima OSCZ, vrši se analiza stanja na terenu i aktivnosti koje se vode u oblasti zaštite i spašavanja i dogovaraju mjere koje je potrebno poduzeti.

Ostvarena je dobra saradnja sa Misijom OSCE-a u Bosni i Hercegovini i Centrom za ekologiju i energetiku Tuzla i organizirani zajednički tematski skupovi na kojima je vršena analiza opasnosti od poplava i odgovora sistema zaštite i spašavanja kao i utvrđivanje mjera za poboljšanje stanja. Na skupovima su učestvovali predstavnici struktura civilne zaštite TK, FUCZ, RUCZ, Ministarstva poljoprivrede, vodoprivrede i šumarstva TK i F BiH, Agencije za vodno područje rijeke Save i predstavnici općina.

DIREKTOR

Mr.sc. Zdenko Tadić